

# *NY BATISAN' NY RANO*

 Eny... Eny, ankehitriny, ny—ny eritreritray izao maraina izao dia hoe, izahay dia tsy maniry ny—ny haka be loatra amin'ny fotoanareo, fa izaho dia... ary handeha hanao fianarana kely iray aho, ary avy eo dia ho vonona tsy ho ela mba... Tsy maintsy handeha hisakafo hariva miaraka amin'ny olona sasantsasany aho androany, ary nihevitra aho taloha fa misy be loatra no nivangongo tao... Misy ramatoa mpitoriteny iray tonga avy eto, ny anabavin-dRahalahy Jack Moore, izay te-hiresaka amiko mikasika an'ireo vehivavy mpitory teny. Ary fantattro fa tokony ho ato izy androany, ary nihevitra aho fa ho tonga eto aloha aho.

<sup>2</sup> Ary izaho... ny zavatra voalohany tiako ho fantatrareo rehetra (Raisim-peo ity sa tsy izany, Leo?), ity no zavatra voalohany tiako ho fantatrareo rehetra, hianareo... Ary izany dia Ranabavy Gibson sy Ranabavy Sewell ary Ranabavy Simpson. Hitanareo? Ilay fanontaniana dia napetraka tamiko mikasika ny batisan'ny rano, ary izaho... tianareo ho fantatra ny mikasika an'izany. Izaho—tiako ho fantatrareo rehetra aloha, fa izaho dia... ny tanjoko dia tsy ny hiezaka haneho, toy ny hoe tapi-pahaizana iray ianareo na nahafantatra mihoatra noho ny olon-kafa. Ny tanjoko dia ny miezaka hanazava, amin'ny tsara indrindra amin'ny fahalalako amin'ny alàlan'ny Soratra, an'izay marina sy diso. Ary efa tanjoko foana ny tsy hanao marimaritra iraisana eo amin'ny zavatra rehetra izay nosoratan'Andriamanitra, ary tsy hilaza mihitsy hoe marina ilay izy satria misy olon-kafa iray milaza fa marina ilay izy. Fa tsy maintsy ho tahaka an'izany ilay izy.

<sup>3</sup> Ankehitriny, izao no mety hisy, hoe amin'ny ho avy dia hihaino an'ity horonam-peo izay iresahanay ity ianareo, mety ho tsara raha miteny aminareo ny antony aho hoe nahoana. (Afaka mandre ahy tsara mihitsy ve ianareo rehetra?) Ny...

<sup>4</sup> Heveriko fa ny Raintsika any An-danitra dia nanao ny olona tamin'ny fomba sasany ho an'ny Tombontsoany Manokana. Tahaka ny anaovantsika an'ireo zavatra amin'ny fomba sasany fotsiny, samihafa isan'andro, satria manana tanjona iray isika amin'ny fanaovana an'izany.

<sup>5</sup> Fotoana vitsy lasa izay aho dia nipetraka tany—tany amin'ny fanjakan'i Kentucky niresaka tamin'ny sasany tamin'ireo rahalahiko, ary... Rehefa mody aho ka afaka manana fotoana kely avy ao any amin'ireo fivoriana, dia mazàna no misy vahoaka betsaka mivangongo. Hitanareo? Ary amin'izay fotoana izay dia lasa tena mikorontan-tsaina aho, aorian'ny hariva rehetra, hitanareo, tsy manana fitsaharana mihitsy ianareo; tonga fotsiny

andro aman'alina izy ireo; lasa tena mikorontan-tsaina aho. Amin'izay fotoana izay aho dia na haka haran-jono ary mandeha manjono, na raha vanim-potoan'ny fihazana ilay izy, dia haka ny basiko aho ary mandeha mihaza.

<sup>6</sup> Eny, ireo basy no iray amin'ireo zavatra tiakoindrindra handaniana andro; mitifitra fikendry. Rahalahy Gene, eto, ary izaho, manomboka mamahana amin'ny tåñana izy ankehitriny, ary izahay dia... tianay fotsiny ny manao an'izany.

<sup>7</sup> Ary avy eo aho dia nanana kely iray, izay antsoin'izy ireo hoe Model 75, basy Winchester iray .22; eny, izany no ihazako vantsira. Eny, izaho—mihaza vantsira any amin'ny dimampolo yards aho. Ary any amin'ny dimampolo yards... Manohy mikasikasika an'io basy kely io aho mandra-pahavitako mampiditra fantsika be loha iray amin'izany any amin'ny dimampolo yards. Ary indray andro dia nahatafiditra bala sivy tao anatin'ilay lavaka iray ihany aho (Marina ve izany, Rahalahy Gene?) tany amin'ny dimampolo yards, niaraka tamin'ny basy .22 iray. Ankehitriny, eny, tampoka teo dia simba ilay izy.

<sup>8</sup> Ankehitriny, mazàna raha mijery ahy ilay vantsira, dia tsy hitifitra azy aho. Raha manatodika ny lamosiny amiko izy, dia tsy hitifitra azy aho. Tsy maintsy mipetraka izy mba ahafahako mahita mihitsy ny masonry. Ary raha sendra ka mahavoa azy eo ambanin'ny maso aho, na eo ambonin'ny maso, dia fantattro fa misy zavatra tsy mety amin'ilay basiko, hitanareo. Noho izany fotsiny aho... Tsy miezaka mandainga amin'ny tenako aho, ary izaho fotsiny... Ary tsy maka vantsira mihoatra noho izay avelan'ny lalàna halaiko aho (Hitanareo?), satria marina izany; mpiaro ny tontolo iainana aho.

<sup>9</sup> Fa izaho fotsiny... Raha mahita anankiray aho ka lavitra loatra izy, dia avelako hipetraka tsara izy. Ary raha akaiky ahy loatra ity anankiray ity, dia mihemotra hatrany amin'ny dimampolo yards aho. Ary hiambina azy hivoaka sy haka voan'ny hickory iray ary hiverina aho, raha mijery ahy izy, dia avelako hipetraka tsara fotsiny izy. Ny fotoana manaraka izay hakany anankiray angamba folo minitra aty aoriane, rehefa avy manapaka an'io anankiray io izy, dia handeha haka anankiray, angamba hanatodika ny lamosiny izy; tsy hitifitra azy tahaka an'izany aho. Noho izany, ary raha lasa izy, eny, dia avelako handeha izy; mihaza anankiray hafa ho ahy aho (Hitanareo?), satria izaho fotsiny dia—mahita azy ireo fotsiny aho.

<sup>10</sup> Ary tiako izy ireo. Izy ireo no hena tsara indrindra izay misy eto amin'izao tontolo izao; tsy misy na inona na inona mitaha amin'ny vantsira volontany iray, indrindra rehefa manapaka hêtre izy, na hickory, na zavatra tahaka an'izany.

<sup>11</sup> Noho izany dia simba ny basiko. Ankehitriny, ny basy iray dia zavatra iray hafahafa handaniana andro. Izany—zavatra iray

izay manala ny fihenjanana amin'ny hozatro sy ny sisa izany. Ankehitriny, tsy hiraharaha an'izany ireo olona hafa.

<sup>12</sup> Ary mino aho fa ny rahalahintsika tsara fanahy Oral Roberts, neveriko fa milalao golf izy, ary toy izany koa ny rahalahintsika Billy Graham. Milalao golf izy ireo. Fa ny mampiakatra ny hozatro, dia any ivelany any ny amin'ireo vehivavy mitafy tapaka sy ny sisa, any. Tsy mahatanty an'izany aho, hitanareo. Izaho fotsiny... Fa ankehitriny, angamba, ireo rahalahy ireo... Tsy milaza aho hoe mivoaka any izy ireo ho an'izany tanjona izany, hitanareo. Tsia, satria izy ireo dia—izy ireo dia—izy ireo dia lehilahy manan-kaja, izy ireo dia rahalahy Kristiana. Fa ny mivoaka mandeha any fotsiny, tsy mahatanty an'izany aho, hitanareo. Ilay izy dia me....

<sup>13</sup> Ary ny milalao golf, izaho—izaho...izany amiko dia toy ny hoe ilay izy dia—ilay izy dia ho an'ireo vehivavy, na tahaka an'izany, hitanareo. Mikapoka baolina iray amin'ny tsora-kazo iray ary mihazakazaka eo. Ankehitriny, mety mihevitra an'ilay zavatra iray ihany ireo rahalahy ireo hoe: “mipetraka eo, mandany andro amin'ny basy trainainy iray.” Eny, fantatrareo fa natao samihafa isika.

<sup>14</sup> Ary noho izany io basy io, ny fihovitra kely indrindra amin'ny fomba rehetra, dia hampivily azy. Afaka mitifitra ianareo ary afaka mametraka fantsika be loha iray miaraka aminy, fa raha mametraka ny rantsan-tànanareo eo amin'ilay fitifirana ianareo, izany dia ho—hanimba ny fitifiranareo izany, hitanareo. Toy izany no... toy izany no tsy maintsy hahamarina azy. Tsy afaka mametraka ny tònanareo manodidina an'ilay loham-basy ianareo; ampandrio mitsivalana eo an-tànanareo izy.

Ary avy eo dia hoy ianareeo hoe, “Inona daholo no idiran’izany amin’izay anontanianay anao?” Fa miezaka aho aloha ny hitondra anareo eo amin’ny zavatra iray, hanana foto-kevitra iray.

<sup>15</sup> Ankehitriny, indray andro dia simba ilay izy, ary nanao ny zavatra rehetra izay fantattro hatao aho hanamboarana an'ilay izy... hampiditra azy indray. Nanandrana nanalalaka azy indray aho. Nanandrana nanery, namaha, sy ny zavatra hafa rehetra aho.

<sup>16</sup> Ary ny .22 iray dia tsy afaka hamahana azy amin'ny tònanana ianareo, satria ilay fandrehetana dia ao anatin'ny tranom-bala ka tsy maintsy maka an'ilay bala voafahan'ny orinasa ianareo. Ankehitriny, nefà mamahana an'ireo izay manana an'ireo—ireo tranom-bala goavana isika, nefà afaka manaisotra an'ilay fandrehetana isika ka maka mpanalehibe iray sy ny sisa, eny, isika—afaka mamahana an'izany isika ka manohy manolo an'ireo vanja, sy ireo grama, ary ireo lanjan'ny bala, mandra-panaontsika azy ho eo amin'ny toerana izay hitifirana

an'izay hotifiriny, na manao an'ilay fanalalahana sy ny sisa isika. Noho izany dia tsy afaka manao an'izany eo amin'ity anankiray ity isika. Fa hoy aho hoe, "Eny, angamba nanimba an'ilay fanalalahana aho." Nalefako tany amin'ny Winchester Company indray ilay izy.

<sup>17</sup> Naveriko tany amin'ny Winchester Company ilay izy, ary nanoratra taratasy iray ho ahy izy ireo, izay tehiriziko fotsiny ho an'ny—ny fahatsiarovana an'izany. Hoy izy ireo hoe, "Revera Branham, ity Model 70 Winchester ity dia tsy natao ho basy fitifirana fikendry iray." Hitanareo. Hoy izy ireo hoe, "Izy dia hitifitra amin'ny faritra iray inch... tifitra fito isaky ny faritra, hitifitra amin'ny faritra iray inch izy any amin'ny dimy amby roapolo yards." Dia hoy izy ireo, "Tsy hahatratra tsaratsara kokoa noho izany mihitsy ianao, satria izany no tanteraka ho an'ity karazam-basy ity; iray inch any amin'ny dimy amby roapolo yards."

<sup>18</sup> Fantatro fa diso izany. Efa nanao tifitra sivy aho, lavaka iray tao amin'ilay iray hafa, tany amin'ny dimampolo yards niaraka tamin'izany. Ary ny Winchester Company no nanamboatra azy.

<sup>19</sup> Ankehitriny, toy ny te-hilaza ny olona iray hoe, "Eny, raha ireo injeniera no manome taratasy an'io basy io, ary tokony hahafantatra an'izay ao anatiny izy ireo, ary raha izy ireo no nanamboatra an'ilay basy, noho izany dia nahoana ianao no...?"

<sup>20</sup> Izany no nolazain'ny vadiko tamiko. Hoy izy hoe, "Billy, nahoana ianao no handany andro amin'io basy io, rehefa avy namorona azy sy nanamboatra azy ilay olona, ary mahafantatra mihitsy aza hoe entona firy no misy isaky ny tronom-bala sy ny faribolana izay ao anatiny ary ny zavatra hafa rehetra, ahoana—ahoana no hiezahanao hiady hevitra amin'ny tenin'izy ireo?"

<sup>21</sup> Hoy aho hoe, "Eny, malala, vao tsy ela akory izay no nametrahanao fanontaniana ara-Baiboly iray tamiko, ka nahazo an'ireo valiny ianao tany amin'ny faran'ilay Baiboly. Ary nanontany ahy ianao hoe, 'Nomen'Andriamanitra an'i Abrahama ve io tany izay Nampanantenainy azy io?'" Ary—ary, na, izy no nanontany ahy.

Dia hoy aho hoe, "Tsia, tsy nanome azy an'ilay tany mihitsy Izy. Nampanantenina an'izany taminy Izy, saingy izy tsy mihitsy—tsy nanana ny iray tamin'izany mihitsy izy. Tsy nahazo an'izany mihitsy."

Ary noho izany dia hoy izy hoe, "Oh, tratrako ianao teo amin'io anankiray io." Hoy izy hoe, "Inty ilay valiny, 'Tena Nomeny azy izany.'"

<sup>22</sup> Hoy aho hoe, "Mamadiha ao amin'ny Asa 7. 'Tsy nisy toerana iray hametrahana ny tongony akory aza'" Marina izany, izany—tsy nomena azy izany. Ankehitriny, hitanareo, indraindray ireo voasoratsika, ireo valin-tenin'olona dia mety ho diso.

<sup>23</sup> Ary mety ho diso ilay olona izay manamboatra an'ilay basy, satria efa fantattro fa efa nampiditra fantsika be loha sivy nifanesy tao anatin'ny singan-taratasy iray aho tao amin'ilay lavaka iray ihany tany amin'ny dimampolo yards niaraka tamin'io basy io. Ary nilaza izy ireo fa raha bala fito no mandrakotra... raiso ny inch iray any amin'ny dimy amby roapolos yards, antsasak'ilay halavirana, fa tsy hahazo azy tsaratsara kokoa mihitsy ianareo. Ho ahy dia diso izy ireo, na tompon'ilay basy izy ireo na tsia, satria efa nahafantatra tsaratsara kokoa aho, hitanareo.

<sup>24</sup> Ary nipetraka teo ambanin'ny hazo iray aho tany indray maraina, sy Rahalahy Wood ary Rahalahy Charlie, izay mihaza miaraka amiko, ary nisy vontsira hatraiza hatraiza. Eny, nitifitra anankiray aho andro vitsy talohan'io ka tsy nahavoa ny masonry; nahavoa teo ambanin'ny takolany. Mazava ho azy, nahafaty an'ilay vontsira aho raha nahavoa azy teo amin'ny masonry ilay izy, saingy ilay basy no simba, ho ahy. Manao ahy hikorontantsaina izany, satria raha io basy io no tsy ao tanteraka mihitsy, izaho—izaho... dia tsy hahavita soa ho ahy ny handeha hihaza (Hitinanareo?), satria tsy ho an'ny hena no hihazako azy na ahoana na ahoana. Izaho—mihaza ho an'ny fanatanjahan-tena fotsiny aho.

<sup>25</sup> Ary noho izany dia hoy aho hoe, "Izany dia... Ilay izy dia..." Nipetraka teo ambanin'ny hazo iray aho, hazo kely iray mitongilana. Afaka handeha hankany amin'izany aho izao maraina izao, any amin'ireo tendrombohit'i Kentucky. Dia nipetraka teo ambanin'io hazo io aho, nihaino an'i Charlie nanapoapoaka teo fotsiny. Izy ireo dia... Tsy ahoako izay faritra eo amin'ilay vontsira izay voatifitr'izy ireo, fa arak'izay nitifiran'izy ireo vontsira fotsiny. Ny... raha ny vondron'izy ireo... nitifitra na aiza na aiza ny basin'izy ireo, arak'izay nahavoazany an'ilay vontsira fotsiny. Ary raha izany—raha teo amin'ny valahana izany, na teo ampovoany, na taiza na taiza nahavoazany azy, dia nety tsara daholo izany.

<sup>26</sup> Ary noho izany... dia hoy aho hoe, "Eny, ankehitriny, izany tsy..." Izaho—tsy afaka nahatanty an'izany fotsiny aho. Dia nipetraka teo aho. Nieritreritra aho hoe, "Jereo fotsiny ny lalao ataon'ireto lehilahy ireto." Ary tia mihaza tahaka ahy mihitsy izy ireo, ary izy roa ireo dia mpitifitra mahafinaritra, tsara. Lehilahy tena mahafinaritra izy ireo, Kristiana izy roa ireo, feno ny Fanahy Masina, ary lehilahy mahafinaritra fotsiny; anisan'ireo lehilahy manana lenta avo indrindra. Ary nanao ny lalao tsara indrindra ireo rahalahy ireo, tamin'ny fitifirana vontsira. Dia nisy vontsira nitsambikina avy teo amin'ireo hazo teo akaikiko mihitsy.

<sup>27</sup> Eny, hoy aho hoe, "Nahoana aho no hanao zavatra tahaka an'izany? Mipetraka eto, ary indro aho mipetraka eto mitomany, miraraka amin'ny tavako fotsiny ireo ranomaso. Eo izy ireo,

ary indro aho tsy afaka mahavoa an'ilay fikendry akory aza." Dia nitsangana aho ka hoy aho hoe, "Ray any An-danitra, nahoana Ianao no nanao ahy tahaka an'izao, olona mikorontantsaina kely, sorena iray? Nefa avy eo dia ny Fahasoavanao no nanome ahy sakaiza an-tapitrisany ara-bakiteny," hitanareo. Dia hoy aho hoe, "Nahoana Ianao no nanao ahy ho olona iray tahaka an'izao?" Dia nanomboka nitomany mafy mihitsy aho tamin'izay fotoana izay, nipetraka teo ambanin'ny hazo kely iray mitongilana, eo amin'izay anombohan'ny tendrombohitra iray, mihitsy.

<sup>28</sup> Ary—ary fantattro, fa ho tonga tsy ho ela eo amin'ny fetrany mikasika ny vontsira ireo lehilahy ireo, ary hiverina. Dia nipetraka teo aho, izao fotsiny... Oh, izany tsy... fa izaho—tsy nanana fahasahiana hitifitra ny iray tamin'izy ireo fotsiny aho, satria, natahotra aho ny handratra azy, fantatrareo, ary hamela azy—handeha, hitanareo.

<sup>29</sup> Ary izaho fotsiny... ary ny basiko, izaho efa nandrity ny... Tsy tena lava ilay vanim-potoana, ary efa tany aho arak'izany, nandrity ny, eny, antsasak'ilay vanim-potoana no lasa niezaka namerina an'io basy io. Nalefako tany ilay solomaso, nampandrefy azy, ka hoy izy ireo hoe, "Marina tanteraka mihitsy io solomaso io."

<sup>30</sup> Eny, fantattro fa ilay izy dia ilay basy, satria ilay izy dia manipy anankiray, any amin'ny lâlana iray, ary anankiray, any amin'ny hafa. Ny solomaso dia zara raha hanao an'izany. Noho izany dia nipetraka teo aho ary izaho—nitomany fotsiny.

<sup>31</sup> Ary rehefa avy nipetraka kely teo aho, somary nihazona ny lohako niakatra, dia nandre Azy niresaka tamiko aho. Ankehitriny, ianareo rehetra dia nitsangana tao amin'ny favoriana omaly hariva; hitanareo ve hoe ahoana no Nahafahany nandeha teo amin'ny mpanatrika, na taiza na taiza teo, na oviana na oviana Nilàny ahy, hiteny amin'ny olona rehetra mikasika an'ireo toerany, sy iza izy ireo, sy avy taiza izy ireo, ary inona no nataon'izy ireo, inona no hisy. Efa mba nahita an'izany diso ve ianareo? Tsy diso mihitsy; tsy afaka, satria Izzy izany. Eny, tamin'izay fotoana izay, dia niteny tamiko Izzy. Ary hoy Izzy hoe—hoy Izzy hoe, "Ho an'ny tanjona iray no Nanaovako anao tahaka an'izany."

<sup>32</sup> Dia hoy aho hoe, "Nahoana Ianao no nanao ahy tahaka an'izany, Tompo, ho an'ny tanjona iray, mba hikorontan-tsaina? Ary ny zavatra tokana ananako mba hampalefaka ahy avy amin'ireo favoriana dia ny tonga eto ary mihaza. Nefa Ianao dia namela ahy..." Hitanareo, Andriamanitra dia manao ny zavatra rehetra hiasa tsara ho an'ireo izay tia Azy, hitanareo. Tehiteny zavatra amiko Izzy. Izany no tsy maintsy nahasimba an'io basy io, mba ampahafantatra ahy an'io tena zavatra io mihitsy.

Hoy Izzy hoe, "Eny..."

<sup>33</sup> Hoy aho hoe, “Ny basiko,” hoy aho, “Tompo, Ianao no hany Tokana afaka manitsy azy.” Hoy aho hoe, “Ianao no hany Tokana afaka manampy ahy, satria ilay tena Winchester Company no milaza fa tsy hitifitra afa-tsy inch iray izany ao amin’ny dimy amby roapolo yards. Ary, Tompo, fantattro izany: izaho—efa nitifitra tany amin’ny dimampolo yards aho ary nahatafiditra fantsika be loha sivy nifanesy. Hitanao? Mahafantatra hafa noho izany aho.”

<sup>34</sup> Hoy Izy hoe, “Izany no antony Nanaovako anao tahaka an’izany.” Hoy Izy, “Hitanao? Ianao... Izaho no nanao anao ho tahaka an’izany mba... ho an’ny tanjona iray.” Ankehitriny, ary ity ilay izy. Hitanareo? Raha fantattro fa hahatafiditra fantsika be loha iray any amin’ny dimampolo yards ilay izy, tsy ahoako na iza no milaza zavatra hafa, dia fantattro fa hanao an’izany ilay izy, raha afaka mipetraka ao amin’ilay fepetra marina; raha ilay fifandanjana, ilay bala, ary ilay—ary ilay... ireo fandefasambala rehetra an’ilay basy no afaka ianaranana sy amboarina. Satria efa nanao an’izany indray mandeha ilay izy; raha nanao an’izany indray mandeha ilay izy, dia hataony indray izany.

<sup>35</sup> Eny, teo no Nampahafantarany ahy, tamin’izay fotoana izay, hoe nanao ahy tahaka an’izany Izy nohon’ny fanirahana izay Nomeny ahy ho an’ireto andro izay iainako ireto; fa tsy afaka handeha hankany amin’ny fiangonana iray ara-anarampiangonana fotsiny aho ka hikambana amin’ny anankiray, nefy ny olona dia hisavoamboana fotsiny hoe: “Eny, ny—ny fiangonana dia milaza fa mety tsara ity ary manaiky an’ity izy ireo.”

<sup>36</sup> Raha—raha—raha Jesosy Kristy no tsy miova omaly, anio, ary mandrakizay, raha nahatafiditra an’ilay bala izany teo, dia hahatafiditra azy indray izany. Tsy ahoako izay lazain’izy ireo. Hitanareo? Tsy maintsy hisy fomba iray hoe Izy no ilay Olona iray ihany. Izy no ilay zavatra iray ihany. Tsy miova ny Heriny.

<sup>37</sup> Ankehitriny, rehefa mahakasika toerana iray tahaka an’ity ianareo, Matio 28:19, izay nanontanianareo ahy izao maraina izao, Asa 2:38. Naniraka an’ireo Mpianany Jesosy eto hoe: “Mandehàna ianareo any amin’izao tontolo rehetra izao ka mitioria ny filazantsara amin’ny olombelona rehetra. Izay mino sy atao batisa no hovonjena.” Ankehitriny, izany no Marka 16, izay tononiko. Ary ankehitriny, izany dia rehefa naniraka azy ireo Izy. Ary tsy nilaza mihitsy Izy hoe toy ny ahoana no anaovana batisa amin’izany. Tsy nanoratra an’izany mihitsy i Marka.

<sup>38</sup> Fa Matio no nilaza, Matio 28:19, nilaza Izy, rehefa niseho tamin’izy ireo Izy, ary avy eo, sy ny sisa, ka naniraka azy ireo handeha hanao batisa, dia hoy Izy hoe, “Mandehàna ianareo arak’izany, mampianara ny firenena rehetra.” Ary ny fandikana marina dia hoe, dia, “ataovy mpianatra ny firenena rehetra,

manao batisa azy ireo amin'ny anaran'ny Ray, sy ny Zanaka, ary ny Fanahy Masina, mampianatra azy ireo hitandrina an'izay rehetra Nodidiako."

<sup>40</sup> Ary folo andro taty aoriana dia hoy i Petera hoe, "Mibebaha ary aoka hatao batisa, ny tsirairay avy aminareo, amin'ny Anaran'i Jesosy Kristy." Ankehitriny, misy fifanoherana marina iray eo!

<sup>39</sup> Ankehitriny, ny ankamaroan'ny olona dia hanao hoe, "Eny, ny fiangonako dia mampianatra hoe, 'Aoka hatao batisa, amin'ny anaran'ny Ray, Zanaka, Fanahy Masina.' Ilay seminera izay nivoahako no nampianatra ahy an'izany, noho izany dia tahaka an'izany no hanaovako azy."

<sup>40</sup> Ho ahy dia tsy marina izany. Mikasika ny *eto* aho ary mikasika ny *etsy*. Izaho dia manao ny—ny tifitra efapolo inch. Izany dia tsy, manao ny Soratra ho marina. Tsy maintsy tonga eo amin'ny aotra ilay izy. Tsy maintsy tonga eo amin'ny aotra ilay izy. Eny, noho izany, dia ahoana no hahatonga an'izany ho eo amin'ny aotra raha i Matio nanao hoe, "Manaova batisa, amin'ny anaran'ny Ray, Zanaka, Fanahy Masina," nefo i Petera nanao hoe, "Manaova batisa, amin'ny Anaran'ny Tompo Jesosy," izy roa ireo dia samy mpianatra, ny anankiray, mpanora-dalàna, ary ny iray hafa, apostoly iray?

<sup>41</sup> Ary avy eo, ny olona rehetra ao amin'ny Baiboly dia natao batisa taorian'izany, natao batisa tamin'ny Anaran'i Jesosy Kristy. Ary ireo izay efa nataon'i Jaona batisa dia tsy maintsy tonga sy natao batisa indray, tamin'ny Anaran'i Jesosy Kristy, talohan'ny nahazoan'izy ireo ny Fanahy Masina.

<sup>42</sup> Eny, hoy aho hoe, "Hitanareo, ianareo dia—ianareo dia tsy eo amin'ny aotra eo." Ity ny zavatra iray izao ankehitriny izao. Raha mino ny Baiboly ho Tenin'Andriamanitra tsy mety diso isika, dia tsy afaka hanao an'izany hisavoamboana manerana ny singantaratasy iray ary ho eo amin'ny aotra avy eo. Azonareo ve aho? Tsy maintsy mahakasika an'ilay fikendry izany, raha tsy izany dia tsy mahavoa izy. Raha any ivelany izy, dia any ivelany.

<sup>43</sup> Eny, nahoana no niverina i Petera ka nanao zavatra izay notenenin'i Jesosy taminy mba tsy hatao, ary avy eo dia nanaiky an'izany Andriamanitra ka nanome azy ireo ny Fanahy Masina? nefo—nefa hoy Jesosy hoe, "Manaova batisa azy ireo amin'ny Anaran'ny Ray, Zanaka, Fanahy Masina," ary i Petera nanao hoe, "Tsia, manaova batisa amin'ny Anaran'i—i Jesosy."

<sup>44</sup> Ankehitriny, ianareo—tsy afaka hanao an'izany hahakasika an'ilay fikendry ianareo. Hitanareo? Ankehitriny, misy zavatra tsy mety any ho any, ranabavy. Hitanareo? Na ny anankiray no nandainga, na ilay... Iza no nandainga? Iza ilay izy? Ankehitriny, ho ahy dia tsy hety fotsiny izany.

<sup>45</sup> Ilay izy fotsiny dia toy ny hoe: "Ny fitenenana amin'ny fiteny tsy fantatra ve no porofon'ny batisan'ny Fanahy Masina, sa tsy

izany?” Ny iray manao hoe, “Eny,” ary ny iray manao hoe “Tsia.” Inona no lazain’ny Soratra mikasika an’izany? Tsy maintsy ho eo amin’ny aotra ilay izy! Hitako eo, fa, ny sasany niteny tamin’ny fiteny tsy fantatra, ary ny sasany tsy niteny. Eny, inona izany?

<sup>46</sup> Fanontaniana malaza hafa iray: “Tokony ho mpitory teny ve ny vehivavy, eny, sa tsia?” Ny toerana iray manao hoe, “Handatsaka Ny Fanahiko amin’ny nofo rehetra Aho; ny zanakalahinareo sy ny zanakavavinareo haminany.” Ny iray hafa nanao hoe, “Tsy avelako... ny vehivavy hiteny ao ampiangonana,” akory. Hitanareo?

<sup>47</sup> Ankehitriny, tsy eo amin’ny aotra izany. Tsy eo amin’ny aotra izany, noho izany izy ireo... Aza avela tahaka an’izany ilay izy satria ny seminera, ilay orinasa, no nilaza hoe, “Efa izany ilay izy, dia, ho toy izany tsara mihitsy no hahazoanareo azy.” Tsia, tomoko. Tsia, tomoko. Tsy maintsy eo amin’ny aotra ilay izy, fa raha tsy izany dia tsy tsara. Eny, ankehitriny raha teo amin’ny aotra izany ho azy ireo, dia ho eo amin’ny aotra izany ho ahy. Raha teo amin’ny aotra ilay izy indray mandeha ka nitondra vokatra mba hilazana ny fitsanganan'i Jesosy Kristy miaraka amin’ny hery sy famantarana sy fahagagana ary zava-mahagaga, dia hanao an’izany indray ilay izy.

<sup>48</sup> Ankehitriny, any ho any isika dia manana... isika dia... manana poti-javatra be loatra isika eo amin'ilay tranom-bala. Hitanareo ve izay tiako lazaina? Fomba henjana iray hanehoana an'ilay izy izany, mikasika ny fitifirana amin’ny basy iray, saingy izaho fotsiny, izaho dia nanao, nametraka an’izany ho fototra iray mba hahazoanareo an’izay tiako lazaina. Misy poti-javatra eo amin'ilay tranom-bala any ho any; tsy nohalalahana tsara ilay izy; na mahery loatra ilay vanja na malefaka loatra; na misy visy anankiray tery ary iray hafa malalaka, na ny iray malalaka loatra ary ilay iray hafa tery; dia misy zavatra tsy mety any ho any. [Miresaka amin-dRahalahy Branham ny lehilahy iray—Mpand.] Hia, hia, hia, mety ho ilay zalahy ao ambadik'ilay fanapotserana ilay izy, marina izany. Fa ankehitriny, inona ary izany?

<sup>49</sup> Ankehitriny, raha misy fifanoherana iray tena hentitra tahaka an’izany ao amin’ny Tenin’Andriamanitra, amin’izay fotoana izay dia tsy izany ilay Tenin’Andriamanitra izay fantatro. Raha afaka mampifanjevo ny Tenany Izy, ary mampifanjevo Ny Teniny, ary lasa mampifanjevo ny Tenany, dia tsy tsi-manam-petra Izy, manam-petra tahaka ahy Izy.

<sup>50</sup> Ankehitriny, marina ve izany? Ity Teny ity dia na tsy maintsy ho marina ka ny kely tsirairay amin’Izany dia marina ary eo amin’ny aotra Izany, na tsy Tenin’Andriamanitra izany.

<sup>51</sup> Ankehitriny, matetika ny olona dia manao hoe, “Eny, hitanao, taitaitra tanteraka i Petera rehefa nilaza izy hoe manaova batisa, amin’ny Anaran'i Jesosy, satria izany—izany,

marina tokoa, fa Matio dia nilaza marina mihitsy an'izay nolazain'i Jesosy. Tsy ahoanay izay nolazain'i Petera."

<sup>52</sup> Eny, noho izany, raha tsy nifanaraka i Petera sy Jesosy, amin'izay fotoana izay dia mety tsy nifanaraka ny sisa tamin'ireo Filazantsara. Raha ny Teny anankiray amin'Ity no manohitra ny iray hafa, amin'izay fotoana izay dia tsy Tenin'Andriamanitra Izany, an'ilay Andriamanitra izay fantatro.

<sup>53</sup> [Hoy ny olona iray hoe, "Angamba nanao fahadisoana vitsivitsy i Jaona."—Mpand.] Hia, mety nanao vitsivitsy i Jaona. Iza no marina? Sady izay koa ilay izy di.... Tsy fantatro na nilaza an'izany Jesosy na tsia. Hitanareo? Matio no nanoratra an'izany. Tsy nilaza na inona na inona mikasika an'izany i Marka, tsy nilaza na inona na inona mikasika an'izany i Lioka, ary tsy nilaza na inona na inona mikasika an'izany i Jaona, fa i Matio no nilaza. Eny, noho izany dia ny Filazantsaran'i Matio rehetra angamba no diso, ary ny an'i Lioka. Eny, noho izany, dia iza no diso sy marina? Hitanareo ve izay misy ny tenanareo? Tsia, tompoko, tsy maintsy ho marina Izy rehetra.

<sup>54</sup> Noho izany dia manontany aho, nahoana Andriamanitra no hanoratra Zavatra iray tahaka an'izany, namela an'izany hikorontana? Na dia Jesosy aza dia nisaotra Ny Rainy fa Nafeniny tamin'ny mason'ny hendry sy manan-tsaina izany, fa nambarany tamin'ireo zaza izay te-hianatra. Ankehitriny, natao tahaka an'izany ilay izy mba hanao an'ilay—ilay—ilay hendry ho very lalana. Fa ilay Boky dia fanambarana iray.

<sup>55</sup> Ankehitriny, ohatra rehefa mandeha any am-pitandranomasina aho ka manoratra taratasy iray ho ahy ny vadiko dia mipetraka aho. Hoy izy hoe, "Billy malala, mipetraka eto aho izao hariva izao; eny am-pandriana ireo ankizy. Nihevitra aho fa hanoratra andalana vitsivitsy ho anao mba hamela anao hahafantatra an'izay nataonay androany sy hoe manao ahoana izahay. Matoky izahay fa mitahy anao Andriamanitra," sy ny rehetra tahaka an'izany. Ankehitriny, mamaky an'ireo andalana izay nosoratany aho. Saingy tiako loatra ny vadiko, ary tia ahy loatra izy, tsy mampaninona izay nosoratako, afaka mamaky ny eo anelanelan'ny andalana an'izay tianay ho lazaina izahay.

<sup>56</sup> Eny, tahaka an'izany no nanoratana ny Baiboly, eo anelanelan'ny andalana. Fantatrareo ny maro amin'ireo toriteniko, ohatra ny namerenan'Andriamanitra an'i Abrahama sy Saraha ho olona tanora, ianareo dia tokony ho—tokony hamaky ny eo anelanelan'ny andalana ianareo mba hahita hoe ahoana, inona no lazain'ny Soratra. Tokony hahafantatra ianareo. Saingy tsy hiala amin'ilay andalana mihitsy izany. Hitanareo? Ny elanelan'andalana dia hitondra fotsiny an'ireo andalana hiaraka ka manao azy ho sary goavana iray.

<sup>57</sup> Ankehitriny, tsy maintsy ho raharaham-pitiavana miaraka amin'Andriamanitra ilay izy alohan'ny hany ahafahanareo

mahazo azy, satria ny Fanahy Masina no nanoratra ny Baiboly; ary ny Baiboly no nilaza fa Izany dia tsy avy amin'ny fandikana manokana, fa Izany dia voatsindrimandry.

<sup>58</sup> Ankehitriny, ho an'ny fanontanianareo. Manana Baiboly iray ve ianareo? Manana Baiboly iray ve ianareo rehetra? Ankehitriny, ny voalohany... [Miresaka amin-dRahalahy Branham ny olona iray—Mpand.] Tsia, mety tsara izany. Raha ianareo—ianareo—ianareo—afaka mandray naoty an'izany ianareo, na fotsiny... Ankehitriny dia hanome kisarisary vitsivitsy aho, raha tsy mampaninona anareo. Ary ao amin'ity, arak'izany, ianareo dia—ho hitanareo hoe nahoana. Ankehitriny, te-hametraka fanontaniana iray aminareo anabavy aho.

<sup>59</sup> Tiako ianareo ho tena malalaka mihitsy arak'izay mahamalalaka. Ankehitriny, manohy eo amin'ity lohahevitra ity noho io horonam-peo io, satria tiako ny ahafahantsika ho tonga eo amin'ilay porofo voalohany sy ny zavatra hafa rehetra tahaka an'izany. Fa aoka ilay izy... Hanao horonam-peo iray hafa ho an'izany isika (Hitonareo?) indray andro any. Fa ity, dia miresaka mikasika ny batisan'ny rano isika.

<sup>60</sup> Ankehitriny, ilay izy dia toy ny hoe Matio sy Petera, raha nitifitra teo amin'ilay fikendry iray ihany izy ireo, dia niala tamin'ilay laharana izy ireo tany ho any.

<sup>61</sup> Ankehitriny, ankehitriny aho dia haka ao—ao amin'ny Baiboliko ary hamaky. Ary—ary ianareo anabavy, raha te-hamaky an'Izany ianareo, dia alaivo fotsiny... raha tianareo... raha mila ny Baiboly ianareo na te-handray naoty an'izany na inona koa, dia ataovy izay tianareo. Ary avy eo aho dia—hitondra anareo aho... Tiako ianareo avy eo mba—mba... rehefa avy manao an'izany ianareo, dia raiso naoty izany. Ary amin'izay fotoana izay raha misy fanontaniana, dia tiako ianareo hahazo antoka ka—ka hanontany ahy ankehitriny. Anontonio aho, mba raha amin'ny fotoana iray ho avy, eo amin'ity horonam-peo ity, ka misy olona iray tsy maintsy hametraka fanontaniana iray aminareo, dia afaka hiverina ianareo ka hanazava an'izany.

<sup>62</sup> Ankehitriny, mba hanitsiana an'ireo olona ireo sy hanao an'ireto anankiroa ireto hahitsy, izaho dia—tiako ny... tsy maintsy... mety... saiky hampifangaro lohahevitra roa miaraka.

<sup>63</sup> Ankehitriny, ankehitriny, ao amin'ny Matio 28:19, ankehitriny, izany no boky farany an'ny Baiboly, na, boky farany an'ny Matio, amppahany farany an'ny Matio. Ankehitriny, ndao isika hamaky an'ireo andininy farany, ny andininy faha-18:

*Ary Jesosy nanatona ka niteny tamin'izy ireo, nanao hoe, Efa nomena ahy ny fahefana rehetra any an-danitra sy ety an-tany. Efa nomena ahy ny fahefana rehetra any an-danitra sy ety an-tany.*

<sup>64</sup> Eny, manontany, Nalainy ve ny fahefan'Andriamanitra rehetra arak'izany? Satria ny fahefana rehetra any An-danitra sy ety an-tany dia ao—ao Aminy ankehitriny. “Efa nomena Ahy ny fahefana rehetra any An-danitra sy ety an-tany.” Aiza no misy an'Andriamanitra miaraka amin’ny Fahefany? Ankehitriny, afaka nandainga ve Jesosy? Tsy afaka nandainga Izy. Raha nandainga Izy, amin’izay fotoana izay dia aiza no misy antsika?

<sup>65</sup> Tsarovy ankehitriny, hazony...ataovy ao an-tsaina izao, hoe, ilay Fianganon'Andriamanitra velona, fa tsy ny anaram-piagonana, ilay Fianganon'Andriamanitra velona dia miorina eo ambonin’ny fanambarana ara-panahy. Ankehitriny, raiso izany ao amin’ny Masindahy Matio 17, na, Masindahy Matio 16 ilay izy, izay Nilazany—Nilazany hoe “Ataon’ny olona ho Iza moa Aho?”

Hoy izy hoe, “Ianao no Kristy, ilay Zanak'Andriamanitra velona,” hoy i Petera.

<sup>66</sup> Hoy Izy hoe, “Sambatra ianao, ry Simona, zanak'i Jonasy. Tsy ny nofo aman-drà (seminera, olon-kafa iray) mihitsy no nanambara an’izany taminao, fa Ny Raiko izay any An-danitra. Ianao no Petera. Eo ambonin’ity vatolampy ity no Hanorenako Ny Fianganoko.”

<sup>67</sup> Ankehitriny, hitanareo, hoy ny Katolika hoe, “eo ambonin’i Petera”, raha izany no izy, amin’izay fotoana izay, dia mpiverindàlana izy. Eny ary, hoy ny Protestanta hoe, “eo ambonin’i Jesosy.” Saingy tsy hoe te-ho hafa, fa mba hanao an'ilay zavatra hahitsy: sady tsy eo amin’i Jesosy no tsy eo ambonin’i Petera, fa eo ambonin’ny fanambarana ara-panahy: “Tsy ny nofo aman-drà no nanambara an’izany taminao, fa Ny Raiko izay any An-danitra no nanambara an’izany taminao.”

<sup>68</sup> Noho izany ny Teny izay nosoratana amin’ny fanoharana sy ny sisa hafa dia afaka ny ho voambara fotsiny ihany, ary ny fahamarinana tokana izay hany hampahafantarina, dia ny fanambarana ara-panahy. Ary raha tsy mamatoatra an’izany miaraka ny fanambaranareo, amin’izay fotoana izay dia diso ny fanambaranareo. Hitanareo? Tsy maintsy mifangaro izany.

<sup>69</sup> Toy ny hoe raha nanambatra piozila iray ianareo, ka tsy manana na inona na inona eto amin’ny ilany eto mba—mba hijerena hoe inona no...dia hanao an'ilay tabilao hikorontana tanteraka ianareo. Hoy ianareo hoe, “Eny, mino aho fa *ity* dia mandeha eto, mino aho fa *ity* dia mandeha etsy.” Izany ilay fisainan’olombelona. Ny zavatra voalohany fantatrareo, dia ho diso ny tabilaonareo: ho lasa ombivavy miraoka ahitra eo an-tampon’ny hazo iray izany. Hitanareo? Noho izany ilay izy—tsy hety ilay izy. Hitanareo? Fa raha ianareo dia... raha manana zavatra iray ianareo eto hitodihana, hitodihana, “Eny, ankehitriny,” hoy ianareo, “oh, nanambara zavatra iray tamiko Andriamanitra.” Raha tsy arak’ity Teny ity ilay izy, ka

mamatotra ny Teny miaraka, amin'izay fotoana izay dia diso ny fanambaranareo.

<sup>70</sup> Ao amin'ny Testamenta Taloha, raha naminany ny mpamininay iray, raha nanonofy nofy ny mpanonofy iray, tsy mampaninona na toa tena misy toy ny ahoana aza ilay izy, ny voalohany, alohan'ny hany haneken'ny fiangonana an'izany, dia tsy maintsy voaporofon'ny Orima sy Tomima izany. Fantatrareo izany, ilay aron-tratran'i Arona izay nampitaratra an'ireo hazavana. Ankehitriny, rehefa nifarana io asampisoronana io, dia lasa niaraka tamin'izany ilay Orima sy Tomima. Fa isika dia manana Orima sy Tomima vaovao; izany no Tenin'Andriamanitra.

<sup>71</sup> Ary raha tsy mifamatotra ny fanambaranareo, nefà hoy ianareo hoe, "Andriamanitra no nanambara tamiko fa tokony hatao batisa aho, amin'ny anaran'ny Ray, Zanaka, Fanahy Masina," raha tsy mifamatotra amin'ny Teny izany, manomboka any amin'ny Genesisy ka hatrany amin'ny Apokalypsy, ary mamatotra an'Izany miaraka, amin'izay fotoana izay dia diso ny fanambaranareo.

<sup>72</sup> Hoy ianareo hoe, "Andriamanitra no nanambara tamiko fa tokony hatao batisa amin'ny Anaran'i Jesosy aho." Raha tsy mifamatotra amin'ny Teny izany, amin'izay fotoana izay dia tsy manohana an'izany ny Orima sy Tomima. Tsy mampaninona na toa tena misy toy ny ahoana aza ilay izy, Ity no Teny tena izy. Ity no Orima sy Tomiman'Andriamanitra.

<sup>73</sup> Ankehitriny, "Ary Jesosy..." Manonona indray aho, mamerina: "Ary tonga Jesosy ka niteny tamin'izy ireo (ny andininay faha-18), nanao hoe, Efa nomena Ahy ny fahefana rehetra any An-danitra sy ety an-tany. Mandehàna ianareo arak'izany, mampianara ny firenena rehetra, manao batisa azy ireo amin'ny Anaran'ny Ray, sy ny Zanaka, ary ny Fanahy Masina: Mampianatra azy ireo hitandrina ny zavatra rehetra izay Nandidiako anareo: indro, momba anareo isan'andro Aho, hatramin'ny faran'izao tontolo izao mihitsy aza. Amena."

<sup>74</sup> Ankehitriny, dia te-hanontany zavatra aminareo aho, ankehitriny fotsiny... Ankehitriny, izany no Matio 28:19, ilay Soratra izay angatahanareo amiko mba hazavaina, izay jerentsika eto izao maraina izao. Ankehitriny, ndao vakantsika tsara mihitsy izany, aza fotsiny—aza andalovana haingana ilay izy. Vakio tsara mihitsy ilay izy. Ankehitriny, diniho tsara. "Mandehàna ianareo arak'izany, mampianara ny firenena rehetra, manao batisa azy ireo amin'ny Anaran'ny Ray, sy ny Zanaka..." Ankehitriny, tsy—tsy hoe, "amin'ny anaran'ny Ray, amin'ny anaran'ny Zanaka, amin'ny anaran'ny Fanahy Masina." Tahaka an'izany no anaovan'ny olona batisa—manao batisa tahaka an'izany. Tsy ara-tSoratra akory aza izany. Hitanareo, ilay izy tsy hoe, "amin'ny anaran'ny Ray, ny anaran'ny Zanaka,

amin'ny anaran'ny Fanahy Masina." Diso izany. Tsy ara-tSoratra izany. Ary ilay izy tsy hoe, "ireo anaran'ny Ray, Zanaka, ary Fanahy Masina." Ilay izy dia, "amin'ny Anarana," a-n-a-r-a-n-a, tokana; Anarana. Jereo, raha mbola mijery ianareo rehetra, "amin'ny Anarana." Eny àry.

<sup>75</sup> Ankehitriny, ankehitriny, raha misy na aiza na aiza izay tsy azonareo . . . Miandry an-dRanabavy Sewell etsy aho hahita an'izany. Hitanao ve izany eo? Matio 28:19, andininy faha-19. Ankehitriny, Ranabavy Sewell, mino aho fa ianao no anankiray izay nanontany mafy indrindra an'izany. Ankehitriny, milaza ve izany hoe, "Amin'ireo anaran'ny Ray, ny Zanaka . . ."? Milaza ve hoe, "Amin'ny anaran'ny Ray, amin'ny anaran'ny Zanaka . . ."? Tsia. "Amin'ny Anaran'ny Ray, sy ny Zanaka, ary ny Fanahy Masina." Tsy hoe amin'ny anarana, mamestraka *anarana* iray eo alohan'ny tsirairay avy, fa amin'ny Anaran'ny Ray, sy ny Zanaka, ary Fanahy Masina fotsiny. Ankehitriny, fantatsika ankehitriny, arak'izany, fa tsy maintsy misy Anarana anankiray eo, satria voalaza hoe Anarana anankiray izany.

<sup>76</sup> Eny, te-hanontany anareo aho, iza amin'ireo anarana ireo no tokony hanaovantsika batisa, arak'izany? Ankehitriny, anarana iray ve ny "ray"? Tsia, noho izany dia tsy afaka manao batisa amin'ny anaran'ny Ray isika satria ny "ray" dia tsy anarana iray, sa tsy izany?

<sup>77</sup> Eny, amin'ny anaran'ny "Zanaka," arak'izany, hoy isika. Anarana iray ve ny "zanaka"? Zanaka iray aho, zanaka iray ianareo, zanaka iray izy, marina ve? "Zanaka" dia tsy anarana iray, sa tsy izany?

<sup>78</sup> Eny, "Fanahy Masina" arak'izany; "amin'ny anaran'ny Fanahy Masina." Eny, eto . . . Eny, ny . . . Ndao ataontsika hoe, "ny Fa- . . . amin'ny anaran'ny Fanahy Masina." Ny "Fanahy Masina," anarana iray ve izany? Tsia; izany no maha-izy Azy. Isika rehetra dia olombelona. Izany no maha-izy Azy; Izany ny Fanahy Masina. Fa "Fanahy Masina" dia tsy anarana iray; izany no maha-izy Azy. Isika rehetra dia olombelona, fa tsy izany no anarantsika. Hitanareo? Tsia. Izany dia ny . . . misy titra telo eo, arak'izany, sa tsy izany?

<sup>79</sup> Eny, noho izany, karazana zavatra iray inona no ananantsika eto, arak'izany? Izy—hoy Izy hoe, "Manaova batisa azy ireo amin'ny Anaran'ny Ray, Zanaka, ary Fanahy Masina." Eny, raha "Ray" dia tsy anarana, ary "Zanaka" dia tsy anarana, ary "Fanahy Masina" dia tsy anarana, dia tsy anarana izy ireo. Noho izany dia tsy afaka mampiasa an'izany ho anarana iray ianareo, satria tsy misy anarana mihitsy eo amin'izany eo ampanombohana. Ankehitriny araka . . . Azonareo ve izany? Tsy anarana izy ireo. Izy ireo dia . . .

<sup>80</sup> Tahaka ahy fotsiny . . . Izy ireo dia miantsy ahy hoe "Revera." Ny olona sasany miantsy ahy hoe mpaminany iray. Ny sasany

miantso ahy ho mpitory teny iray. Eny, ankehitriny . . . Hia, ray iray aho, zanaka iray aho, olombelona iray aho; saingy ny anarako dia William Branham. Fa—fa ny revera, mpaminany, na, revera, loholona, ary mpitoriteny, izany dia ireo titra milaza ny amiko. Eny, milaza ny amin'ireo maro hafa ihany koa izy ireo. Toy ny hoe aina, vatana, ary fanahy, izany dia milaza ny amiko, ihany koa. Fa izany dia milaza ny aminy, aminy, aminy, aminy, ary ny rehetra. Hitanareo? Mitovy daholo izany. Hitanareo, izany dia titra fa tsy izany no anarako. Tsy izany no anaranareo. Aina, vatana, ary fanahy dia tsy anaranareo. Tsy izany no . . . izany no maha-izy anareo, fa tsy izany no anaranareo.

<sup>81</sup> Eny, ramatoa iray ianao. Reny iray ianao. Vady iray ianao, zanakavavy iray. Hia, ireo zavatra rehetra ireo, izy ireo, izany dia—izany fotsiny no maha-izy anao. Ary ndao atao hoe ianao . . . Miantso anao foana aho hoe “Dokotera.” Mpampivelona iray ianao. Ndao atao hoe dokotera iray ianao. Eny, ianao dia reny iray, ihany koa, saingy tsy izany no anaranao. Raha nanoratra fotsiny aho hoe “dokotera,” dia betsaka ny dokotera misy. Raha nanoratra aho hoe “mpampivelona,” dia betsaka ny mpampivelona misy. Hitanao? Fa tsy mbola anaranao foana izany. Noho izany rehefa milaza ny olona iray fa izy ireo dia natao batisa tamin’ny anaran’ny Ray, Zanaka, ary Fanahy Masina, raha nieritreritra fotsiny izy ireo, dia tsy ara-tsaina iray akory aza izy . . . Izy dia tsy—izany aza dia tsy—tsy mety tsara ara-tsaina akory aza izy: ny anaran’ny Ray, Zanaka, Fanahy Masina.

<sup>82</sup> Izany dia tahaka ny lazain’ny Katolika fotsiny hoe, “maha-zanaka Mandrakizay,” ny maha-zanaka Mandrakizay an’i Kristy. Ahoana no hampisy dikany an’ilay teny? Ahoana no haha-Mandrakizay Azy ary ho Zanaka iray? *Zanaka*: izany dia hoe “nateraka.” Ny Mandrakizay dia tsy nanana fiandohana na fiafarana.

<sup>83</sup> Raha milaza izy ireo fa misy ny helo Mandrakizay, ny Baiboly dia nilaza fa ny helo dia noforonina, amin’izay fotoana izay dia ahoana no ahafahany ho Mandrakizay? Tsy misy ny helo Mandrakizay; ny helo dia noforonina ho an’ny devoly sy ireo anjeliny; fa tsy helo Mandrakizay. Ny zavatra rehetra miandoha, dia mifarana. Mety mirehitra mandritry ny zato lavitrisa taona ny helo, saingy tsy maintsy manana fiafarana iray izy, satria ny zavatra rehetra miandoha, dia mifarana.

<sup>84</sup> Izany no antony tsy ahafahantsika ho faty, satria ampanhan’Andriamanitra isika, solofo avy amin’ny Azy, zanakalahy sy zanakavavy. Manana Fiaianana Mandrakizay isika, Fiaianan’Andriamanitra. Izany dia tsy nanomboka mihitsy, tsy hifarana mihitsy. Hitanareo?

<sup>85</sup> Ankehitriny, tena mahery ity. Raha tsy azonareo ilay izy dia matahotra ny hanao anareo eo amin’ny rantsan-kazo iray

aho eto any ho any, tahaka ny nireshako tamin'ireo mpitondra fivavahana. Ankehitriny, raha tsy mahazo ianareo, dia teneno amiko, satria mazàna dia tahaka an'izany no iresahanareo amin'ireo mpitondra fivavahana. Hitanareo? Fa, hitanareo ianareo vehivavy, nanontany ahy fotsiny ianareo, ary sakaizako ianareo. [Mamaly ireo anabavy—Mpand.]

<sup>86</sup> Eny àry ankehitriny, miezaka aho... Ianareo dia-nampianarina ianareo rehetra, ary ianareo dia—manan-tsaina ianareo rehetra. Ary izaho—tsy tiako ianareo handray an'ity hoe “satria Rahalahy Branham no niteny an'izany.” Ankehitriny, olombelona iray aho. Hia, tiako ianareo handray ny Teny. Ary raha afaka mahita olona iray izay hanambany ny Teny ianareo, dia ento mankaty amiko izy ireo; raha afaka mahita olona iray ianareo izay milaza fa misy fifanoherana iray ao amin’ny Tenin’Andriamanitra, dia ento mankaty amiko izy. Izany dia... izany—izany—tsy hisy izany. Izany—tsy hisy izany, tsy ilaina ny hanandrana, satria tsy misy izany, hitanareo.

<sup>87</sup> Ankehitriny, ahoana no ahafahan’ny olona iray hatao batisa...? Te-hanontany zavatra aminareo ramatoa aho izao ankehitriny izao, na, ary ianareo lehilahy: Ahoana no ahafahan’ny olona iray hatao batisa amin’ny anaran’ny Ray, Zanaka, Fanahy Masina? Ahoana no ahafahanareo hatao batisa amin’ny anaran’ny Ray, Zanaka, Fanahy Masina? Tsy hitanareo ve ny votoatin’izany? Tsy misy izany karazana hoe anaran’ny Ray, Zanaka, Fanahy Masina izany. Izany—izany—izany dia—titra izany. Hitanareo? “Lisy...” Nahoana ianareo no tsy milaza fotsiny hoe “Lisin’ny Lohasaha, RAOZIN’I Sarona, Kintan’ny Maraina, Alfa, Omega”? Hitovy izany. Na afaka atao batisa koa ianareo, manao hoe, “Izaho manao batisa anao amin’ny anaran’ny Alfa sy Omega, ny Fiandohana sy Fiafarana.” Marina ihany koa izany, titra izany. “Izaho manao batisa anao amin’ny anaran’ny Lisin’ny Lohasaha, ny Kintan’ny Maraina, ary ny RAOZIN’I Sarona.” Mitovy mihitsy izany, titra izany. Fa fantatsika hoe milaza an’Iza izany, saingy misy...mety misy betsaka ny kintan’ny maraina, sy lisin’ny lohasaha ary raozin’i Sarona. Hitanareo? Noho izany, tsy ny...Ray, Zanaka, Fanahy Masina, misy ny—misy ny...izany, na, olombelona, aina, vatana, ary fanahy, na inona koa no tianareo hanaovana azy.

<sup>88</sup> Ankehitriny, ankehitriny dia misy zavatra tsy mety eto any ho any, sa tsy izany? Ankehitriny dia hitanareo fa misy zavatra tsy mety eto. Tsy mety ho azontsika izany, arak’izany, ndao lazantsika. Ankehitriny, “Mandehàna ianareo arak’izany, mampianara ny firenena rehetra.”

<sup>89</sup> Ankehitriny, dia mpanatrika kely iray mahafinaritra ianareo, ary izaho—tiako ny handoaka an'ity mba hanananareo fahazoana tsara iray. Hitanareo? Satria tsy fantstro, maro amin'ireo rahalahiko no mety hihaino an'ity horonam-peo ity.

<sup>90</sup> Tsy nanao lehilahy na olona iray tsy ho kristiana mihitsy aho nohon'ny hevitr'izy ireo ny amin'ny Soratra. Izaho dia manao fototra an'izany eo amin'ny hoe: raha voavonjy izy ireo, dia matoky an'i Jesosy Kristy, na Katolika izy ireo, Protestanta, Jiosy, na inona izy ireo, voavonjy ianareo satria naterak'i Kristy.

<sup>91</sup> Saingy nametraka fanontaniana iray tamiko ianareo hoe, "Nahoana, ianao Rahalahy Branham no nanao batisa tamin'ny Anaran'i Jesosy Kristy?" Eny àry. "Ary nahoana ianao no tsy niraharaha ny Ray, Zanaka, ary Fanahy Masina?" Izany no fanontanianareo. Ary amin'ny maha-rahalahinareo, sy maha-mpanompon'i Kristy, dia voatery aho hamaly anareo, eny àry.

<sup>92</sup> Ankehitriny, noho izany rehefa mahita ianareo eto, mba anaovana an'ity fifanoherana ity, ankehitriny, folo andro fotsiny taorian'io, rehefa avy nilaza an'io Jesosy, dia nahazo an'ireo fanalahidy mankao amin'ny Fanjakana i Petera, Matio 16, mahita isika hoe, "Ianao no Petera, ary eo ambonin'ity vatolampy ity, no miorina Ny Fiagonako," sy ny sisa. "Ary Omeko... Lazaiko fa ianao no Petera, ary Omeko anao ireo fanalahidin'ny Fanjakana: na inona na inona fehezinao eto antany, dia ho Feheziko izany any An-danitra: izay vahanao ety antany, dia ho Vahako izany any An-danitra."

<sup>93</sup> Ankehitriny, io lehilahy iray izay nanana an'ireo fanalahidy io ihany, no nihodina avy hatrany folo andro taorian'ny nilazan'i Jesosy an'io, ka nanao hoe, "Mibebaha ary aoka hatao batisa ny tsirairay avy aminareo amin'ny Anaran'i Jesosy Kristy ho an'ny famelàna ny fahotanareo." Efa mba nijanona ve ianareo hieritreritra fa Jesosy dia hanome ho an'ny lehilahy iray izay mpisalasala be, an'ireo fanalahidin'ny Fanjakana, izay hihodina ka hanao ny mifamadika, an'izay Nolazainy mba tsy hatao? Ilay Andriamaniry ny Lanitra voaseho tao amin'ny nofo ve, dia hanolotra an'ireo fanalahidy ho an'ny lehilahy iray izay hanao fahadisoana iray tahaka an'izany? Ilay tena tifitra voalohany eo amin'ilay boaty ve dia hanao zavatra iray tahaka an'izany? Tsia. Inona? Eny àry, ankehitriny, ankehitriny fotsiny... Ankehitriny, mariho ankehitriny. Izy dia tsy afaka nanao an'izany.

<sup>94</sup> Fa nahoana Izy no nanome an'ireo fanalahidy an'i Petera, raha izany? Nanonona mazava tsara an'izany fotsiny Izy hoe: "Petera, tsy nianatra an'izany avy tamin'ny fiangonana iray mihitsy ianao na seminera iray, fa izany dia fanambarana iray izay avy tany An-danitra, ary eo ambonin'izany fanambarana iray ihany avy tany An-danitra izany, mba hanitsy ny Tenin'Andriamanitra, no Hanorenako Ny Fiagonako." Fantany i Petera hoe: izy dia tsy-tsy nahafantatra matematika izy. Tsy nahafantatra alzebra i Petera, angamba, na tsy nahafantatra jeometria ihany koa, na-na... Heveriko fa Izao no voalaza hoe izy dia tsy mahay iray ary lehilahy iray tsy nianatra, araka ny Asa ny toko faha-4, na Asa ny toko faha-3, mino aho. Voalaza hoe, "Hita fa tsy nahay sy tsy nianatra izy ireo," izy sy i

Jaona, raha nanasitrana an'ilay lehilahy teo amin'ny vavahady nantsoina hoe Itsaraendrika, "saingy fantatra fa efa niaraka tamin'i Jesosy izy ireo."

<sup>95</sup> Noho izany dia hitanareo, tsy nametraka an'izany teo ambonin'ny teolojian'ny seminerany izy mba Ahafahany hanambara an'izany taminy. Ooh! Tsy teo ambonin'ny fahatsapan'ny seminerany, satria tsy nanana anankiray izy. Mbola tsy manao Izzy amin'izao andro izao. Fa Izzy dia manambara an'izany, hitanareo, amin'ny anankiray izay nanana ny fanambaran'izany. Noho izany, dia afaka nanankina an'izany tamin'i Petera Izzy. Izzy angamba mety tsy afaka, nanankina an'izany tamin'i Matio, na tamin'i Jaona, na tamin'ny sisa tamin'izy ireo. Fa i Petera no nanana an'ilay fanambarana.

<sup>96</sup> Koa noho izany, dia mitodika i Petera ka manao hoe, "Mibebaha, ary aoka hatao batisa amin'ny Anaran'i Jesosy Kristy, ny tsirairay avy aminareo amin'ny Anaran'i Jesosy Kristy, hitanareo, ho an'ny famelàna ny fahotanareo, ary ianareo handray ny fanomezan'ny Fanahy Masina. Ny teny fikasana dia ho anareo." Ilay lehilahy izay nanana an'ireo fanalahidy izay nanokatra ny Fanjakana ho an'ny fotoana voalohany, no nanodina an'izany ary nanao nifamadika, an'izay nolazain'i Jesosy mba tsy hatao. Ankehitriny, na izy no diso, nanao fahadisoana iray izy, tsy nanaraka ny Tenin'ny Tompontsika, na koa, izy no nanana ny fanambaran'ny fahamarinana izay ny sisa tamin'izy ireo...izay—izay any ankoatry ny nananan'ny sisa rehetra tamin'izy ireo.

<sup>97</sup> Ankehitriny, ndao isika hijanona alohan'ny hiverenantsika, iray minitra fotsiny. Raha diso izany, dia nahoana àry Andriamanitra no nanaiky an'izany, ka nandidy ny sisa rehetra tamin'izy ireo, manerana ny Baiboly, mba hatao batisa amin'ny Anaran'i Jesosy Kristy? Ary ny olona rehetra ao amin'ny Baiboly dia natao batisa tamin'ny Anaran'i Jesosy Kristy. Ary ny olona rehetra hatrany amin'ny rafi-pandamanan'ny fiangonana Katolika, dia natao batisa tamin'ny Anaran'i Jesosy Kristy. Tao amin'ny Fivoriambe Niseana, no nanaovan'izy ireo an'io batisa amin'ny Ray, Zanaka, Fanahy Masina io, manao Andriamanitra telo avy amin'ny Andriamanitra marina iray, mba hampiditra ny—ny triniteny.

<sup>98</sup> Ary satria Andriamanitra tany amin'ny fiandohana dia nahafantatra fa ho lavo io olona io, noho izany dia nametraka azy tao amin'ny safidy malalaka Izzy, nahafantatra, satria afaka ny hampiseho an'ireo Toetrany Izzy mba ho Ray iray, mba ho Zanaka iray, mba ho Mpanasitrana iray, mba ho Mpamonjy iray. Ahoana no Nahafahany namonjy, raha tsy misy zavatra iray, very? Ary tao amin'Andriamanitra dia nisy an'ireo toetra, talohan'ny nisian'ny Anjely iray mihitsy aza na molekiola iray na zavatra iray, dia efa nisy tamin'ny alàlan'ny Tenany Andriamanitra, irery; fa tsy Andriamanitra Izzy, satria misy...andriamanitra

dia "zavatra iray ivavahana," tsy nisy na inona na inona ho Azy hivavahana . . . tsy nisy na inona na inona hivavaka Aminy. Fa ireo Toetrany no nampiseho zavatra iray ary nanao Anjely iray. Tamin'izay fotoana izay Izy vao Andriamanitra. Avy eo dia nanao olona iray Izy; nomeny azy ny safidy malalaka. Lavo izy. Avy eo rehefa lavo izy, dia lasa Mpamony iray Izy. Tao amin'ny fahalavoana no nahazoany ny aretina, noho izany dia lasa Mpanasitrana iray Izy. Hitanareo? Izany no mampiseho an'ireo toetran'Andriamanitra. Hitanareo ve izay tiako lazaina?

<sup>99</sup> Ankehitriny, Fantany koa fa tsy maintsy hisy vahoaka iray very sy vahoaka iray voavonjy. Tsy maintsy hisy ny batisa sandoka iray sy ny . . . Noho izany dia Izy no mamestraka an'izany, indray, hazon'ny fahalalana iray: ity ny anankiray, Asa 2:38; ny anankiray, Matio 28:19.

<sup>100</sup> Noho izany, dia ahoana no nanambarana an'izany tamin'i Abela? "Abela, tamin'ny finoana, dia nanolotra ho an'Andriamanitra ny fanatitra tsara kokoa." Tsy nanana Baiboly hitodihana izy, noho izany dia tsy maintsy voambara tamin'i Abela ilay izy. Nisy zazalahy roa teo. Raha fanompoana fotsiny ihany no takian'Andriamanitra, amin'izay fotoana izay dia tsy marina Andriamanitra raha nanameloka an'i Kaina. Nanao alitara iray i Kaina, nanorina fiangonana iray, nanompo, ary nanao fanatitra iray. Ny zavatra ara-pivavahana rehetra izay nataon'i Abela, dia toy izany koa no nataon'i Kaina. Marina ve izany? Fa i Abela, tamin'ny fanambarana, dia nanolotra ho an'Andriamanitra (Izany dia ny fanambarana; mandeha amin'ny finoana ianareo.) ny fanatitra tsara kokoa. Ahoana no nahafantaran'i Abela an'izany, hoe tsy voankazo avy amin'ny saha izany, izay natolotr'i Kaina? Ny rà no namoaka azy ireo avy tao amin'ilay saha. Tsy tao anatin'ilay voankazo ny aina. Ny rà no mitondra ny aina. Voambara taminy izany, fanambarana iray.

Ity ilay fototra iray ihany izay Ametrahany antsika eo amin'izay Nataony teo amin'izy ireo tany aoriana tany hoe: ny fanambarana. Ankehitriny, tsy mety hisy ny fifanoherana iray.

<sup>101</sup> Ankehitriny, ianareo rehetra dia tsy hoe efa Kristiana foana. Teraka mpanota ianareo. Heveriko fa ny zazavavy kely iray . . . Izaho tsy—tsy fantatro na efa nanao ianareo na tsia, fa haka antsika rehetra ato amin'ny efitra aho, mba hanaovana kisarisary iray eto ankehitriny, mba hahazoanareo. Fony ianareo mbola zazavavy kely, atao hoe namaky an'ireo magazinan'ny tantaram-pitiavana ianareo. Saiky ny zazavavy rehetra dia mamaky. Ny karazana magazina iray; tsy voatery ho tantaram-pitiavana iray ilay izy, ny tantara rehetra. Hitanareo? Mahafinaritra. Mety ho . . . tsy ny iray amin'ireo tantara moderina an'ny mpivaroboky, fa ny tantara rehetra, na dia *Romeo et Juliette* aza ilay izy. Hitanareo? Nahoana fa ianareo—ianareo—ianareo dia mamaky ny—ny tantaram-pitiavana iray. Ary raha . . . Tahaka an'izao no anehoako

aminareo ankehitriny, mba ahafahanareo mahatakatra azy amin'ny fanoharana iray.

<sup>102</sup> Raha maka bokin-tantara iray ianareo, ka vakianareo izany, ary izao no lazainy hoe, "Niaina sambatra i John sy Mary taty aoriana," eny, tsy maintsy hanontany ianareo hoe iza i John sy Mary. Iza i John sy Mary? Eny, mamaky an'ireo teny farany fotsiny ao amin'ilay boky ianareo, izay nanao hoe, "dia niaina sambatra i John sy Mary taty aoriana." Manomboka manontany ianareo hoe, "Iza i John, ary iza i Mary?" Marina ve izany? Ankehitriny, fomba tokana ihany no hahitana hoe iza i John sy Mary, miverena any amin'ilay voalohan'ny boky, manomboha mamaky. Marina ve izany?

<sup>103</sup> Eny ankehitriny, ity no toko farany an'ny Matio. Raha ao amin'ny boky farany an'ny Matio, no nilaza Izzy hoe, "Mandehàna ianareo arak'izany, mampianara ny firenena rehetra, manao batisa azy ireo amin'ny anaran'ny Ray, Zanaka, Fanahy Masina," ka tsy anarana ny Ray, ary tsy anarana ny Zanaka, ary tsy anarana ny Fanahy Masina, dia iza izy ireo?

<sup>104</sup> Ankehitriny, ndao raisintsika izany izao maraina izao eo amin'ilay fototra iray ihany izay handraisantsika an'i John sy Mary. Ndao isika hiverina any amin'ny voalohan'ny Matio dia hahita. Miverena any amin'ny toko voalohany an'ny Matio, arak'izany, eny àry. Jereo hoe iza i John sy Mary izay niaina sambatra taty aoriana.

Mbola misy fotoana firy? Oh, eny àry, eny àry.

<sup>105</sup> Ankehitriny, ankehitriny dia te-hanontany zavatra anareo anabavy aho, raha mijery ahy ianareo, ianareo rahalahy. Iza no Rain'i Jesosy Kristy? Andriamanitra izany. Marina ve izany? Andriamanitra ve No Rainy? Eny àry, tompoko; Andriamanitra No Rainy, mifanaraka eo amin'izany isika rehetra. Izaho dia mino amin'ny foko rehetra fa Andriamanitra no Rain'i Jesosy Kristy Tompontsika. Eny àry, ankehitriny, hojerentsika raha milaza ny Baiboly fa Andriamanitra No Rainy.

<sup>106</sup> Ankehitriny, hoy Jesosy hoe, "Mandehàna ianareo arak'izany, mampianara ny firenena rehetra, manao batisa azy ireo amin'ny Anaran'ny Ray, Zanaka, Fanahy Masina." Apetrako eto ireto boatin'ny horonam-peo ireto. *Ity* ny Ray, *ity* ny Zanaka, *ity* ny Fanahy Masina. Ankehitriny, ianareo—nahita tsara ve ianareo?

<sup>107</sup> Ankehitriny, dia tiako ny, handeha hanontany anareo iray minitra fotsiny aho, hahita raha nihaino an'izay nolazaiko ianareo. Iza *ity* eto *ity*? [Hoy ny mpanatrika hoe, "Fanahy Masina."—Mpand.] Fanahy Masina. Iza *ity* eto *ity*? [Hoy ny mpanatrika hoe, "Ray".] Iza *ity* eto *ity*? [Hoy ny mpanatrika hoe, "Zanaka."] Ankehitriny, Iza *ity*? [Hoy ny mpanatrika hoe, "Ray."] Eny àry, te-hahita fotsiny aho raha ianareo—raha tena azonareo mazava tokoa ilay izy ankehitriny. Ankehitriny,

ankehitriny, *ity* no Zanak'Andriamanitra, marina ve izany? Eny àry, ankehitriny, *ity* eto *ity* no inona? [Hoy ny mpanatrika hoe, “Ray.”] *Izany* no Rain'i Jesosy Kristy Tompo. Marina ve izany? *Izany* No Rainy. Izaho dia mino fa nateraky ny virijiny Izzy, Zanak'Andriamanitra velona tsy mifangaro.

<sup>108</sup> Andriamanitra, Raïntsika, izay ilay Fanahy lehibe izay tsy mihitsy... Izzy dia... tsy nanana endrika mihitsy, akory aza. Hitanareo, Izzy dia—Andriamanitra Izzy. Izzy fotsiny dia... Izzy dia efa nisy talohan'ny kintana iray, molekiola iray, na atom, na zavatra hafa. Izzy no Andriamanitra izay manarona ny fotoana rehetra, habakabaka. Mandrakizay Izzy. Mino aho fa Jesosy no Zanak'Andriamanitra marina sy velona. Ary izany mihitsy *ity* Olona eto *ity*, izay nosoratako eto amin'ity boaty *ity*; Ray. Marina ve izany? Ary *ity* dia ny Fanahy Masina, ary *ity* dia ny Zanaka.

<sup>109</sup> Ankehitriny, ndao isika hamaky ny Matio 1. Ankehitriny, manomboka isika:

*Ny bokin'ireo razan'i Jesosy Kristy, zanak'i Davida,  
zanak'i Abrahama.*

*Abrahama niteraka an'i Isaka; ... Isaka niteraka an'i  
Jakoba; ... Jakoba... Joda sy ireo rahalahiny;*

Mandeha midina manome an'ireo tantaram-pirazanana. Ankehitriny, mba hitsitsiana ny fotoantsika, dia hidina isika ary ny fiafaran'ireo tantaram-pirazanana taorian'ny... sy...

*Koa ny rehetra... (Manomboka amin'ny andininy faha-17.) Koa ireo taranaka rehetra hatramin'ny... ny  
taranaka rehetra hatramin'i Abrahama ka hatramin'i  
Davida dia taranaka efatra ambin'ny folo; ... hatramin'i  
Davida ka hatramin'ny nifindrana tany Babylon  
dia taranaka efatra ambin'ny folo; ary hatramin'ny  
nifindrana tany Babylon ka hatramin'i Kristy dia  
taranaka efatra ambin'ny folo.*

Ankehitriny:

*Ankehitriny ny nahaterahan'i Jesosy Kristy dia  
toy izao: Rehefa... nofofoin'i Josefa i Maria reniny,  
talohan'ny niarahan'izy ireo (Mamaky miaraka amiko  
ve ianao, Ranabavy Sewell?), talohan'ny niarahan'izy  
ireo, dia hita fa efa nanana zanaka iray izy ary  
tamin'Andriamanitra ilay Ray.*

<sup>110</sup> Izaho... izaho ve... Marina ve ny famakiako? Oh, nanao fahadisoana iray ve aho? Hita fa nanana Zanak'Iza? [Hoy ny olona iray hoe, “Ny Fanahy Masina.”—Mpand.] Eny, hilaza aho. Ankehitriny, Iza No Rainy? Hoy ianareo hoe *ity* No Rainy, ary ny Baiboly dia nilaza fa *ity* No Rainy. Hita fa nanana Zanaka iray izy, tsy avy tamin'Andriamanitra ilay Ray. Tsy nisy nidiran'Andriamanitra ilay Ray tamin'izany. Izany dia Zanaky ny Fanahy Masina. Marina ve izany?

Ndao jerentsika raha mbola manohy mamaky marina foana izany. Angamba nanao fahadisoana iray isika. Andininy faha-19:

*Noho izany Josefa vadiny, izay lehilahy marina, . . . tsy naniry ny hanala baraka azy, dia nisaina ny hamestraka azy mangingina.*

*Fa raha mbola nieritreritra an'ireo zavatra ireo izy, indro, ny anjelin'ny Tompo niseho teo aminy tamin'ny nofy, nanao hoe, Ry Josefa, zanak'i Davida, aza matahotra ny hampakatra an'i Maria vadinao: fa izay ao an-kibony dia avy amin'Andriamanitra Raintsika. [Hoy ny olona iray hoe, “Tsia, ‘. . . ao an-kibony dia avy amin’ny Fanahy Masina.”—Mpand.] (Oh! Am-ham.)*

<sup>111</sup> Ankehitriny, ankehitriny, noho izany dia Iza amin’izy ireo No Rainy? Ankehitriny, raha ny Fanahy Masina No Rainy, nefà Jesosy dia nilaza fa Andriamanitra No Rainy, ankehitriny, dia zaza mifangaro iray ve Izzy? Mety ho izany ve Izzy? Afaka manao zanaka anankiray ve ireo andriamanitra roa ireo? Raha izany no izy, dia zaza mifangaro iray Izzy. *Zazasary*, ankehitriny, no—no teny tsaratsara kokoa, saingy ilay te-. . . ny tena teny dia midika hoe, “zaza mifangaro iray.” Eny, noho izany raha zaza mifangaro iray nateraka Izzy, amin’izay fotoana izay dia aiza isika—aiza no misy antsika amin’ny famonjena? Raha Andriamanitra ilay Ray No Rainy, nefà ny Baiboly dia milaza fa ny Fanahy Masina no ilay Ray, amin’izay fotoana izay dia aiza. . . misy zavatra tsy mety indray, marina ve izany? Hitanareo? Hia, hia. Misy zavatra tsy mety any ho any. Ankehitriny, inona—inona no hataontsika?

<sup>112</sup> Manompo zaza iray teraka zazasary ve isika, avy tamin’Andriamanitra roa samihafa? Ilay Andriamanitra anankiray dia, no nilaza, fa Ny Rainy, nefà avy eo ny—ny Baiboly dia nilaza eto, na, ny Tenin’Andriamanitra no milaza fa ny Fanahy Masina No Rainy. Ary nilaza Jesosy fa Andriamanitra No Rainy, ary ireo toerana hafa ao amin’ny Baiboly dia nilaza fa Andriamanitra No Rainy, ka miantso Azy hoe ny Zanak’Andriamanitra, ary Andriamanitra ilay Ray, nefà ankehitriny, dia Andriamanitra ilay Fanahy Masina.

<sup>113</sup> Oh, ry vahoaka mampalahelo, Triniterana jamba! Nahoana fa ilay—ilay teny hoe *trinite* dia tsy miseho ao amin’ny Baiboly akory aza, manomboka amin’ny Genesisy ka hatrany amin’ny Apokalypsy. Tsy misy ny zavatra tahaka an’izany. Ilay izy dia tsy Andriamanitra telo; ilay izy dia asa telo an’Andriamanitra anankiray. Andriamanitra ilay Ray tao anatin’ny Andry Afo iray, Andriamanitra ilay Zanaka tonga voaseho tao amin’ny nofo mba hanaisotra ny fahotana, ary Andriamanitra ilay Fanahy Masina ao anatintsika ankehitriny, eto. Azo antoka. Azo antoka. “Homba anareo, ho ao anatinareo mihitsy aza.” Hitanareo? Ilay

izy tsy hoe Andriamanitra telo; ilay izy dia Andriamanitra anankiray.

<sup>114</sup> Ankehitriny, jereo ankehitriny. Tsy maintsy hanaiky ianareo fa ny Fanahy Masina No Rainy. Marina ve izany? Ny Fanahy Masina ve No Rainy? Milaza an'izany ve ny Baiboly? Eny, jereo eto; mamele ahy—mamele ahy hamaky an'izany indray. Ankehitriny, mamele... [Hoy ny anabavy iray hoe, “...?... fa Andriamanitra No Rainy.”—Mpand.] Marina izany. Eny, noho izany, raha milaza ny Baiboly fa ny Fanahy Masina No Rainy, ny Fanahy Masina sy Andriamanitra dia ilay Olona iray ihany, raha tsy izany dia nanana ray roa Izy. Marina ve izany? [Hoy ny anabavy iray hoe, “Hamotika an'io trinite io ianao.”—Mpand.] Izay fa azony ilay izy, izay ilay izy. Fa nanidina ilay izy ankehitriny, hitanareo. Tsy tahaka an'izany mihitsy tany amin'ny voalohany. Tsy tahaka an'izany mihitsy. Hitanareo ve hoe ahoana—ahoana no tsy maintsy ahatongavan'izany amin'ny alàlan'ny fanambarana? Hitanareo?

<sup>115</sup> Ankehitriny, ankehitriny dia na Andriamanitra No Rainy na tsy Izy No Rainy. Ary na ny Fanahy Masina No Rainy, na tsy Izy No Rainy, na ny Baiboly no miteny lainga iray. Noho izany, mba hanaovana an'ilay fanambarana ho marina, dia jereo raha nanana an'ilay fanambarana iray ihany izay ananako mikasika an'izany i Petera, ankehitriny, hitanareo: Ankehitriny, Andriamanitra ilay Ray sy ny Fanahy Masina dia ilay Fanahy tokana iray ihany, raha tsy izany dia nanana ray roa Izy. Izy tsy afaka ny ho torotoronin'Andriamanitra ilay Ray, Fanahy iray, sy Andriamanitra ilay Fanahy Masina, Fanahy iray hafa. Amin'izay fotoana izay dia nanana fanorotoronina roa Izy. Hitanareo? Noho izany dia tsy afaka ny ho tahaka an'izany Izy. Tsy afaka mihitsy tokoa. Na ny anankiray no marina, na ilay hafa no marina.

<sup>116</sup> Raha misy Andriamanitra telo, ka ireto Andriamanitra roa ireto, raha misy Andriamanitra roa, ny iray, Andriamanitra ilay Ray, ary ny iray, Andriamanitra ilay Fanahy Masina, dia iza amin'izy ireo marina tokoa No Rainy, raha izany? Fanontaniana? [Hoy ny anabavy iray hoe, “Isika dia hanana hoe, ‘Fanahy Masina sy Andriamanitra dia iray ihany.’”—Mpand.] Azonareo ilay izy ankehitriny. Eo ianareo izao. Eny àry, ankehitriny iray izay. Eny àry, ndao isika hanohy hamaky ankehitriny.

Ankehitriny, hahita isika hoe inona ny amin'ny Matio 28:19.

Ankehitriny, mamele ahy hamaky an'ity indray ankehitriny, ny andininy faha-18:

*Ankehitriny ny nahaterahan'i Jesosy Kristy...  
toy izao: Rehefa...nofofoin'i Josefa i Maria reniny,  
talohan'ny niarahan'izy ireo, dia hita fa efa nanana  
zanaka iray izy avy tamin'ny Fanahy Masina.*

Eny àry.

*Noho izany Josefa vadiny, izay lehilahy marina, . . . tsy naniry ny hanala baraka azy, dia nisaina ny hametraka azy mangingina.*

*Fa raha mbola nieritreritra an'ireo zavatra ireo izy, indro, ny anjelin'ny Tompo niseho teo aminy tamin'ny nofy, nanao hoe, Ry Josefa, zanak'i Davida, aza matahotra. . . ny hampakatra an'i Maria vadinao: fa izay ao an-kibony dia avy amin'ny Fanahy Masina.*

Eny àry, isika dia manao azy roa ireo, arak'izany, ho tsy maintsy ho iray ihany.

Eny àry.

*Ka hiteraka zazalahy izy, ary ianao hiantso ny anarany. . . (Iza? Izany io Olona io, Jesosy, eny àry.) hiantso ny anarany hoe JESOSY: fa izy no hamonjy ny olony amin'ny fahotany.*

*Ankehitriny. . . izany rehetra izany dia tonga, mba hahatanteraka an'izay nampilazain'ny Tompo ny mpaminany, manao hoe,*

*Indro, hitoe-jaza ny virijiny, ka hiteraka zazalahy, ary izy ireo hiantso ny anarany hoe Imanoela. . . (Marina ve izany?) izay adika hoe. . . Andriamanitra miaraka amintsika.*

<sup>117</sup> Ankehitriny, iza no anaran'ny Ray, Zanaka, ary Fanahy Masina? [Hoy ny anabavy iray hoe, "Andriamanitra."—Mpand.] Tsia, *andriamanitra* dia "zavatra iray ivavahana," sa tsy izany? Inona no nolazainy? Ny Anarany dia hantsoina hoe. . . ["Jesosy, na Imanoela."] Marina izany. ["Jesosy."] Iza No Anarany? ["Imanoela."] *Imanoela* dia fandikana ny hoe, "Andriamanitra miaraka amintsika," hitanareo. Izany dia midika fotsiny hoe, "Andriamanitra miaraka amintsika." Hitanareo? Izany dia tsy midika hoe. . . mety hisy karazana andriamanitra iray miaraka amintsika, hitanareo. Fa izany dia nidika hoe. . . Fa iza no Anaran'io Andriamanitra miaraka amintsika io? ["Jesosy."] Ny Anarany dia hantsoina hoe ["Jesosy."] Jesosy.

<sup>118</sup> Noho izany rehefa nilaza i Petera. . . rehefa nilaza i Matio hoe manaova batisa azy ireo amin'ny. . . Ankehitriny inona. . . iza i Mary sy John, izay niaina sambatra taty aoriana? Hitanareo? Hitanareo ve hoe iza izany? Rehefa nitodika i Petera ka nanao hoe, "Manaova batisa amin'ny Anaran'i. . . Mibebaha ary aoka hatao batisa amin'ny Anaran'i Jesosy Kristy," eny, dia nataony marina tokoa izay i Matio. . . Raha hoy izy hoe, "Ray, Zanaka, Fanahy Masina," dia tsy ho marina ara-tsaina akory aza izany.

<sup>119</sup> Ankehitriny, "Nahoana ianao no manao batisa, Rahalahy Branham, amin'ny Anaran'ny. . . an'i Jesosy Kristy?" Ankehitriny, ndao isika hiverina eto ankehitriny ka handinika fotsiny. Ankehitriny, iza no nanana an'ireo fanalahidin'ny

Fanjakana? [Hoy ny olona iray hoe, “Petera.”—Mpand.] Iza no niteny tamin’ny Andron’ny Pentekosta, ankehitriny, ka nanao hoe, “Mibebaha ary aoka atao batisa ny tsirairay avy amin’ny Anaran’i Jesosy Kristy?” [Hoy ny olona iray hoe, “I Petera izany, sa tsy izany?”] Eny àry, noho izany dia mihibidy ireo fanalahidy hoe, “Izay fehezinao ety an-tany, dia ho Feheziko any An-danitra.” Marina ve izany? “Izay vahanao ety an-tany, dia ho Vahako any An-danitra.” Marina ve izany?

<sup>120</sup> Ankehitriny, foko firy no misy eto an-tany? Telo: Hama, Sema, ary Jaf-... Ny olon’i Sema sy Jafeta. Ankehitriny, izany dia Jiosy, Jentilisa ary Samaritana, hitanareo. Eny àry, avy amin’ireo zanakalahy ireo no nipoiran’izy rehetra ireo, raha ny... Eny, hamela ahy anie Andriamanitra, manao hoe, “*Raha marina ny Baiboly.*” Mazava ho azy fa izany dia... Ny tany rehetra dia rava afa-tsy ireo—ireo zazalahy telo ireo. Izany—avy tamin’izany marina tokoa no nipoiran’ireo taranatsika.

<sup>121</sup> Ankehitriny, tonga mba hijery an’i Jesosy ireo olon-kendry telo. Ny mpahay momba ny kintana dia milaza fa izy ireo, dia nanaraka kintana telo samihafa, ary tonga niaraka ireo kintana telo ireo ka nanao kintana anankiray. Hitanareo? Ary ireo telo dia iray, foana. Hitanareo?

<sup>122</sup> Ankehitriny, ireo toetra telon’Andriamanitra no manao Andriamanitra anankiray. Ilay izy tsy hoe Andriamanitra ilay Ray, Zanaka, ary Fanahy Masina. Tsy Andriamanitra telo izany. Jesosy... Filipo dia nametraka an’ity fanontaniana ity hoe, “Tompo, asehoy anay ny Ray, dia ampy anay izay.” Jaona 14.

Hoy Izy hoe, “Efa ela no Niarahako taminao, ry Filipo, nefà dia tsy mahafantatra Ahy ve ianao?” Hoy Izy hoe, “Rehefa nahita Ahy ianao, dia nahita ny Ray.”

<sup>123</sup> Ankehitriny, nanazava an’io tamin’ny vehivavy sasantsasany aho indray andro, ka ny vehivavy iray dia ni-... eny, nanao hoe, “Andraso iray minitra fotsiny, Ranadahy Branham.” Hoy izy, “Izy ireo dia iray. Marina izany.” Hoy izy, “Toy izany koa ianao sy ny vadinao, iray.”

Hoy aho hoe, “Saingy Izy ireo dia Iray amin’ny karazana hafa.”

Dia hoy izy hoe... Hoy aho hoe... “Oh,” hoy izy, “tsia, Izy ireo dia iray mitovy aminao sy ny vadinao.”

Hoy aho hoe, “Oh, tsia, hitanao,” hoy aho, “mahita ahy ve ianao?”

Hoy izy hoe, “Eny.”

Hoy aho hoe, “Mahita ny vadiko ve ianao?”

Hoy izy hoe, “Tsia, tsy fantatro akory aza izy.”

<sup>124</sup> Hoy aho hoe, “Noho izany dia hoy Jesosy hoe, ‘Rehefa nahita Ahy ianareo, dia mahita ny Ray.’” Noho izany dia hoy aho

hoe, “Izy ireo, noho izany Izy ireo—Izy ireo dia Iray amin’ny karazana hafa.” Hitanareo? Hoy aho hoe, “Mahita ahy ianao, fa tsy mahita ny vadiko. Fa rehefa mahita an’i Jesosy ianao, dia mahita an’Andriamanitra.” Izy no naneho an’Andriamanitra. Izy dia Zanaka iray nateraky ny virijiny. Ary Andriamanitra ilay Ray, izay Fanahy iray, dia nonina tao Aminy.

<sup>125</sup> Ankehitriny, betsaka—betsaka ireo vahoaka Triniterana miezaka milaza . . . Niady hevitra an’izany aho vao tsy ela akory izay. Hitako fa tsy mahavita soa izany, satria tsy misy olona mahay manatona an’Andriamanitra raha tsy Andriamanitra no efa nahafantatra azy mialoha sy niantso azy talohan’ny fanorenana an’izao tontolo izao. “Izay rehetra nomen’ny Ray Ahy no hanatona Ahy,” hoy Jesosy. Hitanareo?

<sup>126</sup> Ary ity lehilahy ity dia niezaka hilaza . . . Izy dia—dia Triniterana iray, sarotiny, ary nitsangana teo anatrehan’ilay kilasy izy ka hoy izy hoe, “Ry sakaizako sarobidy,” hoy izy, “Rahalahy Branham dia iray amin’ireo olona mahafinaritra indrindra.” Hitanareo, mahita eo no ho eo ianareo, fantatro fa nisy zavatra iray teo.

Hoy Jesosy hoe, “Ianareo mpihatsaravelatsihy, ahoana no ahafahanareo milaza zavatra tsara? satria amin’ny habetsahan’ny fo no itenenan’ny vava.” Hitanareo?

<sup>127</sup> Ary noho izany, dia miezaka fotsiny izy hahita fitia amin’ny olona, hoy izy hoe . . . Olon’ny Fianganon’i Kristy io, ary mody antsoina hoe Fianganon’i Kristy. Mazava ho azy fa manohitra ny fampianaranana marina rehetra an’ny Baiboly izy ireo, saiky, ka tsy afaka hiantso azy ireo ianareo . . . Tsy te-hilaza zavatra iray manohitra an’ireo olona ao anatin’ao aho, saingy ireo mpitoriteny ireo dia, raha—raha hamela an’ilay fiteny ianareo hoe, “Ilay izy dia mitovy amin’ny vorondolo Irlandais: fifamaliana sy volom-borona rehetra, fa tsy misy vorondolo.” Noho izany dia saiky tahaka an’izany ilay izy, hitanareo, anankiray fotsiny . . . izy ireo—tsy manana na inona na inona ijoroana izy ireo, noho izany, dia Fariseo moderina.

<sup>128</sup> Ankehitriny, hoy izy hoe, “Fa Rahalahy Branham dia efa toy ny, tao amin’io adi-hevitra io,” hoy izy, “miolakolaka miala amin’ny zavatra rehetra, tahaka ny olitra ao anatin’ny voasary makirana.” Fa hoy izy, “Tiako izy hiolakolaka hiala amin’ity anankiray ity.” Ary mazava ho azy fa ireo mpiady hevitra rehetra dia mihazona an’ilay zava-dehibe teo amin’ny ampahany farany an’izany. Koa noho izany dia hoy izy hoe, “Amin’ny batisa ao amin’ny Matio 3, dia fanehoana olona telo, olona telo samihafa tanteraka tokoa: ilay Zanaka nitsangana teo amin’ny morona; ilay Fanahy Masina, tahaka ny voromailala, teo anelanelan’izy ireo; Andriamanitra ilay Ray, niteny avy tany An-danitra.”

Hoy aho hoe, “Tompokolahy, izany ve no zava-dehibenao?”

Hoy izy hoe, “Te-handre anao hiolakolaka hiala amin’io anankiray io aho.”

<sup>129</sup> Hoy aho hoe, “Tompokolahy, miverena miolakolaka fotsiny ka vakio ny Soratra, araka ny amakiana Azy.” Hoy aho hoe, “Izany ihany no zavatra tokana; diso famaky ny Soratra ho an’ny olona fotsiny ianao.” Hoy aho hoe, “Izany dia mahia kokoa noho ny ròn-kena vita avy tamin’ny alok’akoho iray izay matin’ny hanoanana.” Hoy aho hoe, “Nahoana, ianao fotsiny dia . . . ianao dia—iana dia—mandiso an’ilay izy fotsiny ianao, rahalahy. Diso famaky an’ilay izy ho an’ny olona ianao.” Dia hoy aho hoe, “Ankehitriny, jereo izay lazain’ilay rahalahy eto.”

<sup>130</sup> Ankehitriny, ho raisiko tahaka an’izao ilay izy, tahaka an’ireto ananako ireto: Ray, Zanaka, ary Fanahy Masina. Ankehitriny, *ity* eto *ity* dia ho ny Fanahy Masina, *itsy* dia voasoratra hoe, “Zanaka,” *ity* dia voasoratra hoe, “Ray.” Ankehitriny, dia diniho hoe ahoana no amakian’izy ireo an’izany: “Rehefa natao batisa Jesosy . . . nivoaka avy hatrany avy tao anaty rano: indro, nisokatra Taminy ny lanitra, ary hitany ny Fanahin’Andriamanitra, tahaka ny voromailala, nidina, ary nisy Feo avy tany An-danitra, nanao hoe, ‘Ity Ny Zanako malalako, Izay Sitrako honenana.’” Hoy aho hoe, “Hitanao, kisarisary telo tsara tarehy: ilay Zanaka teo ambonin’ny tany, ilay Fanahy Masina tahaka ny voromailala teo anelanelany, ary ilay Ray niteny avy tany An-danitra.” Hitanareo ve hoe toy ny ahoana no ahafahan’ny devoly mitsangana eo ka mamitaka olona iray, raha tsy manana an’ilay fanambaran’Andriamanitra ianareo, raha tsy mamindra fo amintsika Andriamanitra? Tokony hankasitraka isika.

<sup>131</sup> Nanao an’ilay izy hilaza zavatra izay tsy nolazainy izy, tahaka ny Matio 28:19 mihitsy, manao azy ireo hilaza zavatra izay tsy nolazainy. Tsy nilaza mihitsy Izy hoe, “Manao batisa azy ireo . . .” Tsy nilaza mihitsy Izy hoe, “Manaova batisa amin’ny anaran’ny Ray, amin’ny anaran’ny Zanaka, ny anaran’ny Fanahy Masina.” Hoy Izy, “Manaova batisa azy ireo amin’ny Anaran’ny Ray, Zanaka, Fanahy Masina,” izay Jesosy Kristy. [Elanelana tsy voaraki-peo—Mpand.]

<sup>132</sup> Ankehitriny, ndao isika haka an’ity kisarisary *ity*. Ankehitriny, ndao jerentsika. Mandray naoty an’ireo Soratra ianareo, Matio 3 eo, ireo andininny telo na efatra farany. Ankehitriny . . . [Miresaka ny iray amin’ireo ramatoa—Mpand.] Eny àry, tsara daholo izany, ho azony ilay izy ary afaka mianatra an’izany ianareo rehefa tonga . . . Hanome anareo an’ireo Soratra aho mba ahafahanareo mianatra azy samirery. Ankehitriny, jereo, mariho.

<sup>133</sup> Ankehitriny, milaza izy ireo fa io dia ilay Zanaka nitsangana teo amin’ny morona; *ity* dia Andriamanitra ilay Fanahy Masina, tahaka ny voromailala, eo anelanelan’izy

ireo; ary Andriamanitra ilay Ray dia niteny avy tany An-danitra. Ankehitriny, toy ny hoe hanao an'izany ho feo telo samihafa marina tokoa avy tamin'ny toerana telo samihafa izany. Ankehitriny, mariho. Ankehitriny, rehefa natao batisa Jesosy . . .

<sup>134</sup> Ankehitriny, fantatsika fa ny *lanitra* dia . . . midika hoe “any ambony, habakabaka,” na inona ilay izy, any an-danitra. Ankehitriny, “Rehefa natao batisa Jesosy, dia nivoaka avy hatrany avy tao amin’ny rano Izy: ary, indro, nisokatra Taminy ny lanitra, ary hitany ny Fanahin’Andriamanitra . . .” Noheveriko fa izy ireo dia nilaza fa Andriamanitra no niteny tany An-danitra ambony tany. “Ny Fanahin’Andriamanitra tahaka ny voromailala . . .” Ilay Voromailala dia Andriamanitra. Hitanareo? Vao avy hitantsika izany teto. Ny Fanahy Masina sy Andriamanitra dia ilay Olona iray ihany. Hitanareo? Titra iray ho an’izany fotsiny ilay izy. Hitanareo? Ary hitany ny Fanahin’Andriamanitra. Tsy hoe Andriamanitra hafa iray tany An-danitra ambony tany no niteny, fa ny Fanahin’Andriamanitra dia tao amin’ny endrika voromailala iray. Izany dia—izany dia ny Fanahy Masina ary izany dia Andriamanitra, ilay zavatra iray ihany, hitanareo?

<sup>135</sup> Ny Fanahin’Andriamanitra, tahaka ny voromailala, dia nidina, ary nisy Feo iray avy tany An-danitra, izay teo Amboniny, nanao hoe, “Ity Ny Zanako malalako, Izay Sitrako honenana.” Marina tokoa, ny fandikana marina (Napetrak’izy ireo eo alohan’ny adverba ilay verba, tahaka ny ataon’ny vahiny rehetra.) dia, “Ity Ny Zanako malalako, ao Aminy no Sitrako honenana.” Na, “Izay Sitrako honenana.” “Ao Aminy no Sitrako honenana.” Izany no Andriamanitra niditra tao anatin’i Jesosy, ary tao Aminy no nisy ny Fahafenoan’ny maha-Andriamanitra ara-batana. Ary io ilay Rainareo, Zanaka ary Fanahy Masina: amin’ny Anaran’i Jesosy Kristy.

<sup>136</sup> Azo antoka. Azonareo ve ilay izy? Tsy misy—tsy misy toerana ao amin’ny Baiboly, miresaka ny amin’ny telo, hoe andriamanitra telo izany. Tsy misy izany karazan-javatra izany. Mpanompo sampy tanteraka tokoa izany. Avy tamin’ny mpanompo sampy izany. [Hoy ny anabavy iray hoe, “Eny izany dia—tahaka an’izany ny amin’io trinite io.”—Mpand.] Eny. Eny, azo antoka tokoa, izany . . . misy . . . izy ireo . . . izany fotsiny dia tahaka—izany fotsiny dia tsy misy farany tahaka ny helo. Hitanareo? Tsy misy izany karazan-javatra izany. [Hoy ny anabavy iray hoe, “Mila an’izany i Billy Graham.”] Ahoana hoe? [Mamerina ilay anabavy hoe, “Mila an’izany i Billy Graham.”] Eny, izy tsy ho . . . ? . . . an’izany. [Hoy ny anabavy iray hoe, “Nila an’izany koa aho . . . ? . . .”]

<sup>137</sup> Jereo, henoy. Izany dia voambara amin’ireo izay antsoin’Andriamanitra sy voafidy mialoha tamin’ny alàlan’ny Fahalalany mialoha. “Ny Ondriko rehetra dia mandre Ny

Feoko," Hitanareo? Jereo ireo Jiosy nitsangana teo ireo, tena nianatra mihitsy arak'izay naha-izy azy, nefo Jesosy dia naneho tamin'izy ireo fa Izzy no Mesia tamin'ny alàlan'ny famantarana Mesianika. Hoy izy ireo hoe, "Belzeboba Izzy." Ahoana no ahafahana...? Nohajambaina izy ireo. Hia, ary mpiandry ondry kely iray nitafy vorodamba na ny—na mpanjono iray teo amin'ilay renirano, no nilaza, eny, fa nahafantatra Azy izy ireo. Hitanareo? Izzy fotsiny... Andriamanitra dia manana fomba iray fanaovan-javatra ary tsy maintsy mifanaraka amin'ny Fombany fotsiny isika. Izaho... Aoka hankasitraka fotsiny fa afaka nisokatra ny masonareo mba hahita ny fahamarinana.

<sup>138</sup> Ankehitriny, hiaika ny olona rehetra aho (tsy ho—tsy ho an'ny fifamaliana), mba hanatona ahy sy hipetraka ka haneho amiko ny *trinite* indray mandeha ao amin'ny Baiboly, na izay misy andriamanitra telo. Raha haneho amiko andriamanitra telo ianareo, dia hasehoko aminareo fa ao anatin'ny aizina isika, ary mpanompo sampy, sy mpino sampy. Andriamanitra iray ihany no misy.

<sup>139</sup> Andriamanitra, Andriamanitra ilay Ray, mino an'izany marina tokoa isika. Tany ambonin'ny rehetra tany Izzy; teo ambonin'io tendrombohitra io, rehefa nidina teo amin'ilay tendrombohitra tany io Izzy, nahoana, na dia ombivavy iray fotsiny aza no nikasika an'ilay tendrombohitra, dia tsy maintsy maty izy: Andriamanitra ilay Ray. Fa nila fiombonana indray tamin'ny Olony Izzy. Miezaka Izzy ny mamerina ny olona mankany amin'ilay toerana Edena izay nahavery azy. Hitanareo?

<sup>140</sup> Ankehitriny, ny zavatra manaraka izay Nataony, avy eo dia nanaloka virijiny iray Andriamanitra ilay Ray nantsoina hoe Maria. Ary ny herin-drà (Fantatralo izany, amin'ny mahampampivelona iray), ny selan-drà dia avy amin'ny lahy. Avy eo dia hoy ny olona iray hoe, "Voavonjo tamin'ny alàlan'ny rà Jiosy isika." Tsy misy pentina iray avy amin'ny ràn'ny reny ao anatin'ilay zazakely. Mitoetra ao anatin'ny ràn'ny reny ny zazakely, saingy ilay selan-drà dia avy amin'ny fananahana lahy. Noho izany Izzy dia sady tsy Jiosy no tsy Jentilisa; Andriamanitra Izzy, Rànoforoina iray, tsy tamin'ny alàlan'ny filàna ara-nofo, fa Rànoforoina. Hitanareo ve izay tiako lazaina? Ary noho izany, dia ny Ràn'Andriamanitra no namonjy antsika, Rà iray tsy mifangaro.

<sup>141</sup> Izzy no namorona ny Tenany. Ny tiako lazaina dia hoe nanova ny Andraikiny Izzy avy amin'ny Andriamanitra lasa olona ary nidina, nateraky ny virijiny iray, Maria; ary ny Fanahy Masina (izay Andriamanitra, Ny Rainy izay nanaloka an'izany) dia nidina ary namelatra ny Tranolainy ka nonina niaraka tamintsika tamin'ny endrika olona iray. Izany no Andriamanitra ilay Zanaka, ilay Andriamanitra iray ihany izay Andriamanitra ilay Ray. "Tsy Izaho no manao an'ireo asa. Izany dia Ny Raiko izay mitoetra ato Amiko; Izzy no manao an'ireo asa." Hitanareo?

[Hoy ny anabavy iray hoe, “Izany no ato anatiko.”—Mpand.]  
Marina izany.

<sup>142</sup> Ilay Ray izay monina, mitoetra, mipetraka. “Ity Ny Zanako malalako, ao Aminy no Sitrako honenana.” Matio 3. Hitanareo? “Izay Sitrako honenana. Tena Sitrako ny honina ao amin’ity Anankiray ity.” *Monina*, izany hoe, “mibahana, miditra ao antрано dia mipetraka.” “Tao Aminy no nisy ny fahafenoan’ny maha-Andriamanitra ara-batana,” hoy ny Soratra. Marina izany, ny sary hita maso an’ilay Andriamanitra tsy hita maso. Ankehitriny, io Izy. Ankehitriny, izany no Andriamanitra ilay Ray, Andriamanitra ilay Zanaka.

<sup>143</sup> Ary ankehitriny, tamin’ny alàlan’ny famakiana an’io selan-drà io... Rehefa ilay mpisorona fahiny ao amin’ny Testamenta Taloha, teo ambanin’ilay didy fahiny, dia nitondra zanak’ondry iray ny mpanota, nametraka ny tànany teo ambonin’ilay zanak’ondry izy, notapahina ny tendany, satria nanota izy, dia maty ho an’ny fahotany io zanak’ondry io. Ankehitriny, ny antony nandehanany, hoy ny Hebreo, niaraka tamin’io faniriana iray io ihany izay nidirany (Raha nijangajanga izy, dia lasa izy miverina miaraka amin’ilay faniriana iray ihany; raha namono izy, dia lasa miverina izy, ilay faniriana iray ihany, fankahalana.), satria rehefa novakiana io selan-dràn’ny zanak’ondry io, io selan-drà tao amin’ilay zanak’ondry io dia aim-biby, tsy afaka hiverina izany ka honina ao anatin’ny ain’olombelona, satria ny aim-biby dia tsy manana fanahy, fa ny ain’olombelona no manana fanahy. Hitanareo?

<sup>144</sup> Tsy manana fanahy ny biby. Tsy mahafantatra ny tsara amin’ny ratsy izy. Tsy mila manao akanjo izy ka mandrakotra ny fitanjahany; sy milaza teny ratsy, ary fantatrareo izay tiako lazaina. Hitanareo? Izy ireo—tsy mahafantatra an’izany izy ireo. Lavo izy ireo satria ambanintsika. Hitanareo? Ny olombelona no ambonin’ny fiainam-biby, satria izy ireo—izy ireo dia andriamanitra an’ilay fiainam-biby. Marina izany.

<sup>145</sup> Izany ilay izy, tany amin’ny voalohany, satria i Adama no nanome anarana azy ireo ary nanana fahefana teo amin’izy ireo. Genesiy 1:26, izy no nanana ny fanapahana nanerana ny tany rehetra. Izy dia—izy dia natao araka ny endrik’Andriamanitra ary natao ho—ho andriamanitra kely iray. Jesosy no niteny an’izany. Hoy Izy, “Tsy ny lalànareo ve no nilaza fa andriamanitra ianareo? Ary raha izy ireo aza no miantsio an’ireo izay nahatongavan’ny Tenin’Andriamanitra ho andriamanitra, dia ireo mpaminany, dia nahoana ianareo no manameloka Ahy rehefa milaza Aho fa Izaho no Zanak’Andriamanitra?” Hitanareo, eo ianareo izao.

<sup>146</sup> Ankehitriny, ankehitriny, ao amin’ity, ny Ray, Zanaka, ary Fanahy Masina... Ankehitriny, rehefa avy nonina tao anatin’ny Andry Afo Izy, dia nidina avy eo ary nanao vatana iray ho

an'ny Tenany, nitondra tranolay nofon'olombelona ho an'ny Tenany ka nonina tao, teo anivontsika; Andriamanitra monina. Timoty Voalohany 3:16: "Tsy azo lavina," Paoly no miteny, "fa lehibe ny zava-miafin'ny toe-panahy araka an'Andriamanitra: fa Andriamanitra dia voaseho tao amin'ny nofo, hitan'ny . . ." Hia, Mpamorona lasa Mpamonjy. Ao amin'ilay hira malaza izay nosoratan'i Booth-Clibborn io hoe: "Lasa Mpamonjiko ilay Mpamorona lehibe, ary ny fahafenoan'Andriamanitra rehetra dia nonina tao Aminy." Hitanareo?

<sup>147</sup> Ankehitriny, mariho. Ray, tamin'izany dia Izy no Ray, tany ambonintsika tany. Tsy afaka nipetraka nanodidina an'izay nisy Azy akory aza. Avy eo dia lasa Zanaka Izy, mba ahafahantsika hikasika Azy, hahatsapa Azy. Olona iray Izy. Ary avy eo dia nanolotra Ny Ainy Izy. Io Selan-dRà io dia novakian'ny lefona Romana lozabe iray, feno ota, rehefa nanindrona ny Fony izany. Ary, marina tokoa, fo vaky iray no namono Azy; nisaraka ny Ranony sy ny Ràny. Alahelo no namaky an'ilay Sela, avy amin'ny alahelo, nohon'ny fahotan'ny taranak'olombelona. Nihira hira kely iray isika fahiny hoe:

Oh, fitiavana sarobidy toy ny inona no nananan'io  
Ray io  
Ho an'ny taranaka lavo an'i Adama,  
Nomeny Ny Zananilahy tokana mba hiaritra,  
Sy hanavotra antsika nohon'ny Fahasoavany.

<sup>148</sup> Ankehitriny, teo no nahavaky an'io Selan-dRà io. Ankehitriny rehefa mametraka ny tànantsika amin'ny finoana eo ambonin'io Zanak'ondrin'Andriamanitra mangovitra io isika, mahatsapa ny Nofony mipararetra sy mangovitra ho antsika, ka lasa mandro amin'Ny Ràny ny tànantsika, sy ny fanahintsika, dia tsy an'olona fotsiny ihany ilay Aina izay tao Aminy, na an'ny biby iray koa Izany, Izany dia Andriamanitra, mba hiverenan'io Aina io eo amin'ilay anankiray nohamasinina, ka lasa zanakalahy iray na zanakavavy iray, solofoon'Andriamanitra iray, hitanareo, ilay Ain'Andriamanitra. Ary zanakalahy sy zanakavavin'Andriamanitra isika amin'ny alàlan'ny fahavakisan'io Selan-dRà io, Jesosy Kristy.

<sup>149</sup> Ankehitriny, inona àry izany? Miverina ao amin'ny Olony Andriamanitra, miombona tahaka ny Nataony tao amin'ny sahan'i Edena. Hitanareo? Eo ianareo izao, zanakalahy sy zanak-... Tsy mahafinaritra ve izany? Ianareo, hitanareo? Andriamanitra miverina . . .

<sup>150</sup> Ankehitriny, ankehitriny, dia hamarana ny batisa isika; avy eo dia tsy maintsy handeha aho. Ankehitriny, hatramin'io fotoana io, ankehitriny, ny fotoana manaraka niresahana ny batisa, dia i Filipo nandeha ary nitory teny tamin'ireo Samaritana. Asa 8, mino aho fa izay ilay izy, hia, Asa 8 (7, dia notoraham-bato i Stefana), heveriko fa Asa 8 ilay izy, izay

nandehanan'i Filipo, nitory teny tamin'ireo Samaritana. Ary izy rehetra dia, natao batisa, ny tsirairay avy tamin'izy ireo, tamin'ny Anaran'i Jesosy Kristy; saingy tsy mbola nilatsaka teo amin'ny iray tamin'izy ireo ny Fanahy Masina.

<sup>151</sup> Petera no nanana an'ireo fanalahidy. Hia, tsy maintsy nanokatra ho an'io taranaka io izy. Noho izany rehefa lasa izy, ary tsy mbola nilatsaka teo amin'ny iray tamin'izy ireo ny Fanahy Masina, kanefa efa natao batisa tamin'ny Anaran'i Jesosy Kristy izy ireo, dia nandeha tany i Petera, izy sy Jaona, ary nametraka, nametra-tànana teo amin'izy ireo i Petera, ka nandray ny Fanahy Masina izy ireo.

<sup>152</sup> Ankehitriny, avy eo raha mbola teo an-tampon-trano i Petera indray mandeha, tao amin'i Simona mpandon-koditra, dia nahita fahitana izy. Satria Kornelio Jentilisa iray... Misy ny Jiosy, Samaritana, ankehitriny dia ny Jentilisa. Ary teo an-tampon-trano i Petera, nanao fialan-tsasatra kely iray talohan'ny sakafo hariva, raha mbola nikarakara ny sakafo hariva izy ireo, dia nahita lamba iray nampidinina izy. Ireo karazana biby maloto, mandady rehetra amin'ny tany no tao anatin'izany. Ary avy eo rehefa hitany izany, dia nandre Feo iray izy, nanao hoe, "Mitsangàna, ry Petera, vonoy ka hano."

Hoy izy hoe, "Tsy mbola nisy na inona na inona maloto mihitsy niditry vavako."

Hoy Izy, "Aza ataoao ho maloto izay Ataoko, na, ratsy sy maloto izay Ataoko madio." Hitanareo, ireo Jentilisa izany.

<sup>153</sup> Ary tamin'izay fotoana izay rehefa nivoaka avy tamin'ilay fahitana izy, dia nisy lehilahy roa nitsangana teo amin'ny vavahady, niantso azy mba handeha any. Ary niteny Izy, na, ny Fanahy no niteny taminy hoe, "Mitsangàna ary mandehàna. Aza mieritreritra na inona na inona, mandehàna fotsiny miaraka amin'izy ireo." Lasa nankany an-tranon'i Kornelio izy.

<sup>154</sup> Nangoniny ny... Kornelio dia mpifehy zato iray, ary niantso ny vondrony rehetra hiaraka izy. Ary tao anatiny tao izy rehetra, ka nazavain'i Petera tamin'izy ireo izay nitranga, niresaka... Ary Kornelio niteny taminy fa nahita Anjely iray izy izay niteny taminy mba handeha any ka hanontany Simona anankiray, tao—tao amin'ny trano fandon-koditra an'ny lehilahy iray hoe Simona. Ary raha mbola niteny an'ireo teny ireo i Petera, dia nilatsaka tamin'ireo izay nandre ny Teny ny Fanahy Masina. Dia hoy i Petera hoe, "Afaka mandrara ny rano ve isika, hita fa izy ireo dia nandray ny Fanahy Masina tahaka antsika?" Dia nandidy azy ireo izy mba hatao batisa amin'ny Anaran'i Jesosy Kristy.

<sup>155</sup> Ankehitriny, Asa 19, raha tianareo... Izany no Asa 10:49 eto, ranabavy, raha tianao ny handray naoty an'izany, hitanao, Asa 10:49, eny àry, 10:47, mitohy hatrany amin'ny faran'ilay toko, vakio izany.

Ary avy eo rehefa tonga eo amin'ny Asa izy ireo ankehitriny, Asa 19, dia voatonona indray ny batisa. Paoly... Ankehitriny, ankehitriny izany dia manao ny olona rehetra...

<sup>156</sup> Ankehitriny, ny fotoana tokana izay nampidirana ny batisa dia tamin'ny alàlan'i Jaona Mpanao-batisa, aloha. Natao batisa izy ireo tany. Izy ireo... Ankehitriny, saingy tsy natao batisa tamin'ny Anaran'i Jesosy izy ireo, satria tsy mbola fantatr'izy ireo hoe Iza Izy. Hitanareo? Ankehitriny, fa ankehitriny, rehefa... Hoy Jesosy, Matio 28:19 hoe, "Manaova batisa, amin'ny Anaran'ny Ray, Zanaka, Fanahy Masina," ka nanome an'io fitenenana io tamin'ilay lehilahy izay Nomeny an'ireo fanalahidy, izay nanana ny fanambarana ny amin'ny hoe inona daholo ny mikasika an'izany, voambara avy tany An-danitra.

<sup>157</sup> Izany no raisinareo izao ankehitriny izao, ny fanambarana avy any An-danitra mba hanitsy an'ilay izy. Hahavoa an'ilay fikendry izany raha hipetraka tsara fotsiny miaraka amin'izany ianareo. Eo amin'ny aotra tsara mihitsy izany. Mahavoa azy izany arak'izany. Petera dia nanana fahitana iray, teo amin'ny aotra izany. Ity dia manao an'izany koa. Mamerina an'ilay izy mihitsy. Mitifitra eo amin'izay natao hotifiriny ilay basy, ankehitriny. Hitanareo?

<sup>158</sup> Ankehitriny, noho izany dia i Paoly no ilay—no ilay apostoly ho an'ireo Jentilisa. Marina ve izany? Izy no Jentilisa... Satria Andriamanitra no naniraka azy hankany amin'ny Jentilisa. Ankehitriny, ankehitriny eto, ny olona rehetra tamin'izany fotoana izany dia natao batisa tamin'ny Anaran'i Jesosy Kristy; ny tsirairay avy. Ireo Jiosy, natao batisa tamin'ny Anaran'i Jesosy ve izy ireo? Asa 2:38? Ireo Samaritana, Asa 8? Natao batisa tamin'ny Anaran'i Jesosy ve izy ireo? Eny àry, ireo Jentilisa? Ao amin'ny Asa 10:49? Natao batisa tamin'ny Anaran'i Jesosy izy ireo, sa tsy izany?

<sup>159</sup> Eny, ankehitriny, nisy olona maro nandeha nanodidina teo izay tsy natao batisa tamin'ny Anaran'i Jesosy, kanefa efa natao batisa izy ireo. "Ataoko fa ho mety tsara izany arak'izany. Noho izany dia avelao hipetraka tsara fotsiny izy ireo, satria efa natao batisa. Inona no fahasamihafana ataon'izany?"

"Nataon'i Jaona batisa," hoy izy ireo. Eny, izany—eny, izany, izany no tiantsika ho hita ankehitriny, tiantsika ny hahita na tena ilaina izany na tsia. Deraina Andriamanitra.

<sup>160</sup> Asa 19, Paoly rehefa nandalo ny morontsiraka ambonini'i Efesosy, dia nahita mpianatra sasany izy. Ankehitriny, nisy mpitory teny tanora, Batista tany, ary ny anarany dia Apolo, izany dia, Apolosy, raha ny marina. Ary lehilahy namiratra iray izy; ankehitriny, Asa ny toko faha-19. Ary izy dia—lehilahy namiratra iray izy, ary izy dia—nanaporofo tamin'ny alàlan'ny Baiboly izy, tahaka ny tena Batista iray, fa Jesosy no Kristy,

tamin'ny alàlan'ny Baiboly. Ary izy ireo dia nanana ny—ny fifohazana iray tany, fifohazana lehibe.

<sup>161</sup> Ary natao tao am-ponja i Paoly nohon'ny fandroahana devoly iray, avy tao amin'ny mpanao hatsarana iray, ary noho izany... izy sy Silasy. Ary indray alina dia nandeha nivavaka izy ireo tao anatiny tao ary nihira hira fiderana; ary nidina ny Tompo, nanozongozona ar'ilay fonja. Koa, noho izany, rehefa afaka izy, dia nivoaka ary nitondra an'ilay mpifehy zato ka nanao batisa azy sy ny vadiny, araka ny fanaon'i Paoly. Mazava ho azy fa natao batisa tamin'ny Anaran'i Jesosy izy ireo. Ary tamin'izay fotoana izay, rehefa nentin'izy ireo izy sy ny fianakaviany ka nanao batisa azy ireo, ary avy eo dia nanohy ny lèlany i Paoly.

<sup>162</sup> Ary nandeha nankany amin'i Akoila sy Prisila izy, izay mpanamboatra tranolay, sakaizany, niova fò ho an'i Kristy. Ary efa nanatrika an'io fifohazana teo io izy ireo niaraka tamin'ireo Batista ireo. Ny toko fahavalox ambin'ny folo no hamakianareo an'izany, toko iray eo aloha fotsiny. Koa noho izany—koa noho izany dia nitety ny morontsiraka ambonin'i Efesosy i Paoly. Mahita mpianatra sasany izy. Mpianatra izy ireo. Batista izy ireo, mpitoky teny mahafinaritra sy ny sisa, nanaporofo tamin'ny alàlan'ny Baiboly, fa Jesosy no Kristy. Ary hoy izy tamin'izy ireo hoe, “Efa noraisinareo ve ny Fanahy Masina fony ianareo vao nino?”

<sup>163</sup> Toy ny ahoana ianareo rahalahy sy anabavy Triniterana, no tena nitiavanareo nametraka an'izany marina tokoa fahimy tamin'ireo Batista; saingy manontany aho raha afaka mamerina mametraka zavatra iray indray isika. Hmm. Tianareo ny manao hoe, “Ankehitriny, ianareo Batista, nihevitra aho fa ianareo dia nilaza fa nandray ny Fanahy Masina ianareo rehefa nino. Hoy i Paoly hoe, ‘Efa noraisinareo ve izany fony ianareo vao nino?’”

Ary nahitsy fo ireto olona ireto. Hoy izy ireo hoe, “Tsy fantatray na misy Anankiray, fa misy akory aza ny Fanahy Masina.”

<sup>164</sup> Ankehitriny, raha tsy manao fahasamihafana izany, taorian'io, ny amin'ny batisa, raha tsy manao fahasamihafana ny batisan'ny rano, amin'izay fotoana izay dia nahoana ity apostoly ity no nametraka an'io fanontaniana io? Hoy izy, “Noho izany, ho amin'ny inona no nanaovana batisa anareo?”

<sup>165</sup> Oh, mety nilaza an'izao izy ireo hoe: “Oh, natao batisa izahay,” hoy izy ireo, “natao batisa tamin'i Jaona izahay, ary afapo tsara amin'izany mihity, ilay lehilahy iray ihany izay nanao batisa an'i Jesosy Kristy, lava-drano iray ihany.” Azo antoka, ataoko fa raha ianareo—raha ianareo no nataon'i Jaona batisa tao amin'ilay lava-drano iray ihany izay nanaovana an'i Jesosy, batisa, dia ho nihevitra ianareo fa tena tsara izany, sa tsy izany?

<sup>166</sup> Fa tsarovy, nihidy ireo fanalahidy tany An-danitra. Petera no nanao an'izany tamin'ny Andron'ny Pentekosta. Eny—eny, tompoko. Eny, tompoko, Hitanareo? Zava-miafina iray izany. Miafina izany ankehitriny. “Na inona na inona fehezinao ety an-tany, dia ho Feheziko any An-danitra.” Io ilay fanambarana. Amin’ny alàlan’io fanambarana io irery ihany no ahafahan’izany ho tonga. Hitanareo ve ilay voa?

<sup>167</sup> Hoy i Paoly hoe, “Fa tsy hety intsony izany. Efa noraisinareo ve ny Fanahy Masina fony ianareo vao nino?” hoy izy.

Hoy izy ireo, “Tsy fantatray, fa misy akory aza ny Fanahy Masina.”

Hoy izy, “Noho izany, dia ho amin’inona no nanaovana batisa anareo?” na amin’ny teny hafa dia hoe, “ahoana no nanaovana batisa anareo?”

<sup>168</sup> Hoy izy ireo hoe, “Efa natao batisa izahay. Oh, eny, tompoko. Eny, Atoa. Paoly Apostoly, efa natao batisa izahay. Efa nataon’i Jaona Mpanao-batisa batisa izahay, tao amin’ilay lava-drano iray ihany izay nanaovana batisa an’i Jesosy Kristy. Raha nety tsara izy mba hanao batisa an’i Jesosy, na, hatao bat-... nahoana izy dia, ry tovolahy, teneniko aminao, dia mety tsara ho ahy izy. Haleloia!”

Raha nanao an’izany izy ireo, dia tsy ho nahazo Azy mihitsy. Fa hoy i Paoly hoe, “Efa noraisinareo ve Izany fony ianareo vao nino?”

Hoy izy ireo, “Tsy fantatray na misy akory aza ny Fanahy Masina.”

Hoy izy, “Noho izany, dia ho amin’ny inona no nanaovana batisa anareo?”

Hoy izy ireo hoe, “Tamin’i Jaona.”

<sup>169</sup> Hoy izy hoe, “Jaona dia nanao batisa ho amin’ny fibebahana fotsiny ihany, milaza fa tsy maintsy mino an’Ilay ho avy izy ireo, izany hoe, an’i Jesosy Kristy.” Ary rehefa nandre an’izany izy ireo, dia natao batisa indray tamin’ny Anaran’i Jesosy Kristy. Izany no mitondra an’ity vondrona ity, ao amin’ity vondrona ity. Ary nametraka ny tànany teo aminy izy ireo, ka niteny tamin’ny fiteny tsy fantatra izy ireo ary naminany.

<sup>170</sup> Ankehitriny, ho teneniko aminareo, fa ny Soratra rehetra ao amin’ny Baiboly, ny olona rehetra ao amin’ny Baiboly, dia natao batisa tamin’ny Anaran’i Jesosy Kristy. Mila olona iray aho, mpahay tantara iray, ho an’ity asa ity: raha afaka maneho amiko pentin-tSoratra iray ianareo izay nisy olona iray hany natao batisa, ao amin’ny Baiboly (ilay fiangonana vaovao, mazava ho azy, tsy natao batisa izy ireo ao amin’ny Testamenta Taloha, fa ao amin’ny Testamenta Vaovao), izay nisy olona hany natao batisa tamin’ny Anaran’ny Ray, Zanaka, Fanahy Masina, toerana iray izay hany niantsoana an’izany teo amin’izy ireo hoe, “Ray,

Zanaka, ary Fanahy Masina,” amin’izay fotoana izay dia hanao marimaritra iraisana aho.

<sup>171</sup> Ary raha ianareo...ary hasehoko anareo...Raha afaka maneho amiko lahateny iray an’ny Soratra ianareo izay nisy olona iray hany natao batisa tamin’ny anaran’ny Ray, Zanaka, Fanahy Masina, na pentin-tantara iray izay nisy olona iray hany natao batisa hatramin’ny fanendrena na ny fandaminana ny fiangonana Katolika tamin’ny A.D. eninjato...325 ilay izy, A.D. 325, dimy amby roapolo sy telonjato taona taorian’ireo apostoly, ny olona rehetra dia nanohy nanao batisa tamin’ny anaran’ny Ray, Zanaka, Fanahy Masina, na, tamin’ny Anaran’i Jesosy Kristy hatramin’ny 325.

<sup>172</sup> Ary tamin’izay fotoana izay, dia nanao an’ilay rafi-pandaminana izy ireo. Ary tao amin’ilay rafi-pandaminana, fa ny Fiangonana Katolika no renin’ny rafi-pandaminana rehetra, tsy nandrafitra fiangonana iray mihitsy Andriamanitra, fa tao no nanoloan’zy ireo ny anaran’ny Ray, Zanaka, Fanahy Masina, satria ireo Triniterana. Ary avy eodia nanana vondrona lehibe iray izy ireo izay nitsofoka tao amin’ny Triniterana, ary vondrona lehibe iray izay nitsofoka tao amin’ny an’ny Tokana, izay samy diso ireo vondrona roa ireo. Hitanareo? Fa tsy misy...Ary ny olona iray izay natao batisa nampiasa an’ireo titra telon’ny Ray, Zanaka, Fanahy Masina ireo, tamin’ny tsi-fahalalana, dia manaiky fa Katolika izy ireo ary manda an’izay lazain’ny Baiboly.

<sup>173</sup> Ankehitriny, ry rahalahiko, ary ianareo izay mihaino an’ity horonam-peo ity, “Izaho dia—izaho—izaho dia mahafantatra tsara fa nohon’ny tsi-fahalalana no anaovanareo an’izany.” Aza atsipinareo fotsiny ity, rehefa ireo vehivavy ireo, no manolotra anareo an’ity, fa andraikitraiseo amin’ny tenanareo ny mipetraka ka mianatra azy sy mahita. Raha ianareo no tsy...Raha zanak’Andriamanitra iray ianareo, dia azo antoka fa hihevitra an’izany betsaka.

<sup>174</sup> Ny Tenin’ny Tompo dia tonga tamin’ireo mpaminany tamin’ny andro fahiny. Ny antony niantsoan’izy ireo azy ireo hoe “mpaminany,” dia satria izy ireo no nanana ny fandikana ny Teny Masina, satria nirahina tamim-pahamasinana izy ireo, ary ireo famantarana sy fahagagana izay nanaraka azy ireo no nanaporofa fa izany izy ireo. Hoy Andriamanitra ao amin’Ny Sorany hoe, “Raha misy mpaminany iray eo anivonareo, ka raha milaza zavatra izy nefo tsy marina ilay izy, tsy miseho, amin’izay fotoana izay dia aza matahotra azy. Fa raha miseho ilay izy, amin’izay fotoana izay dia henoy izy, fa Izaho no momba Azy.” Ary ny tena teny hoe *mpaminany* dia midika hoe “mpandika Masina ny Teny Masina.” Ireo famantarana sy fahagagana izay manao ny Teny ho voaseho no famantarana iray fa tonga izany. Ankehitriny, mino isika fa ny

fanomezam-pahasoavan’ny faminaniana izay mamatotra an’ireo teny miaraka dia iray ihany.

<sup>175</sup> Ankehitriny, vao tsy ela akory izay, ary angamba mety hihaino an’ity horonam-peo ity ilay lehilahy iray ihany indray andro any, hoe izaho, hoe—hoe niseho izany. Izany dia Rahalahy Scism avy amin’ny an’ny Tokana. Ankehitriny, ianareo—ianareo... maro aminareo olona izay mihaino an’ity, no hilaza hoe, “Rahalahy Branham dia an’ny Tokana iray.” Tsy izany aho. Heveriko fa samy diso ianareo, ny an’ny Tokana sy ny Trinite. Tsy hoe te-ho hafa, fa ilay izy dia ilay afovoan’ny lalana foana.

<sup>176</sup> Tahaka ny nolazain’i Isaia, hoy Isaia 35 hoe, “Hisy lalambe iray.” Ary ianareo rahalahy Nazareana, sy ny sisa, hoy ianareo hoe, “Ilay lalamben’ny fahamasinana lehibe fahiny.” Miala tsiny aminareo aho; Izany dia tsy milaza hoe ilay lalamben’ny fahamasinana.

<sup>177</sup> Voalaza hoe, “Hisy lalambe iray sy . . .” (*sy dia “fanohizanteny iray”*) “. . . sy lalana iray, ary izany dia hantsoina hoe ny lalan’ny fahamasinana.” Tsy hoe lalamben’ny fahamasinana. Ny lalana dia ilay afovoan’ny lalana. Amin’ny sisiny tsirairay no misy an’ireo fakofako. Eo amin’ny sisiny iray no nandehananareo rahalahy an’ny Tokana, ny Triniterana nandeha teo amin’ilay sisiny hafa, fa ny Hafatra marina dia mipetraka eo afovoan’ilay lalana.

<sup>178</sup> Ankehitriny, diniho eto. Raha hahazo ianareo ankehitriny, dia mametraka zavatra telo aho. Ankehitriny, maka an’ity aho arak’izay nolazain’i Matio, sy mba hanehoana aminareo fa milaza an’ilay zavatra iray ihany ireo lehilahy roa ireo. Fa ny anankiray, ireo olona Triniterana, nohon’ny, halako ny milaza an’ity, ary tsy te-hilaza azy aho, fa tsy te-hilaza aho hoe “nohon’ny tsi-fahalalana,” araka ny nolazain’ny Baiboly, fa ny tiako lazaina, dia hoe, nohon’ny fandikana diso, dia tsy afaka hanao an’ilay izy handeha tsara ianareo, ry rahalahy. Tsy afaka hanao an’ilay izy handeha tsara mihitsy ianareo. Tsy hety izany mandra-piverinareo any amin’ny fanambarana, ary amin’izay fotoana izay vao mandeha tsara ny Soratra manontolo.

<sup>179</sup> Ankehitriny, jereo eto, ry anabaviko, ary ianareo rahalahy izay—izay manatrika: Hoy Matio hoe, “Ray, Zanaka, Fanahy Masina.” Ankehitriny, raha haka ny *Emphatic Diaglott* an’ny fandikana Grika ianareo (fandikana Grika tany am-piandohana avy ao Vatican; sendra manana an’io anankiray io aho; izany dia tsy—izany dia tsy atonta intsony ankehitriny, heveriko), na ny fandikana Grika iray, ny fandikana marina ny Asa 2:38: hoy i Petera hoe, “Mibebaha ny tsirairay avy aminareo ary aoka hatao batisa amin’ny Anaran’i Jesosy Kristy Tompo.” Ny King James Version dia nilaza fotsiny hoe, “amin’ny Anaran’i Jesosy Kristy”; fa ao amin’ny *Emphatic Diaglott* dia izao no voalaza hoe, “Amin’ny Anaran’i Jesosy Kristy Tompo.”

<sup>180</sup> Ankehitriny, rehefa manao batisa amin'ny Anaran'i Jesosy fotsiny ianareo rahalahy an'ny Tokana, dia misy Jesosy betsaka mihitsy; fa tokana ihany no misy . . . Izy dia teraka ho Kristy, ilay Zanak'Andriamanitra. Izy . . . Izany No Anarany, izany no maha-izy Azy. *Kristy* dia midika hoe "ilay anankiray voahosotra," Mesia, Kristy. Ankehitriny, "Jesosy," valo andro taty aoriana no nanomezana Azy ny Anarana hoe, Jesosy, rehefanoforaina Izy. Ary Izy no Tompontsika. Noho izany dia Izy no Jesosy Kristy Tompontsika. Izany no maha-izy Azy.

<sup>181</sup> Ankehitriny, asehoko, mba hahitanareo fa i Petera dia nanana ny fanambarana izay ezahako tenenina aminareo, dia jereo ankehitriny ireto—ireto boaty eto amin'ity ilany ity: Ray, Zanaka, Fanahy Masina. Izany no nolazain'i Matio. Folo andro taty aoriana dia hoy i Petera hoe, "Jesosy Kristy Tompo." Ankehitriny, jereo raha tsy anarana telo ireo titra telo ireo, na-na, ilay Anarana anankiray an'ny titra telo.

<sup>182</sup> Ankehitriny, jereo. Hoy i Matio hoe, "Ray." Marina ve izany? Ny . . . Hoy i Petera hoe, "Tompo." Ankehitriny, hoy i Davida hoe, "Ny Tompo nilaza tamin'Ny Tompoko." Ankehitriny, samy nilaza an'ilay zavatra iray ihany izy roa ireo, sa tsy izany? Eny ary, "Ny Tomponao . . . Tompo Andriamanitrap dia Andriamanitra iray" no marina.

<sup>183</sup> Eny àry, ankehitriny, hoy i Petera hoe, "Amin'ny Anaran'ny Tompo," ary Matio dia nilaza titra iray ho an'io Tompo io, dia hoe "Ray." Tompo dia izay maha-izy Azy, eny àry.

Hoy i Matio hoe, "Zanaka." Iza ilay Zanaka? "Jesosy," hoy i Petera. Marina ve izany?

Eny àry, ankehitriny, ary hoy i Matio hoe, "Fanahy Masina." Hoy i Petera hoe, "Kristy" izay ny Fanahy Masina, ilay Logos izay nivoaka avy tamin'Andriamanitra.

<sup>184</sup> Hitanareo? Ray, Zanaka, Fanahy Masina, dia Jesosy Kristy Tompo, ilay zavatra manontolo, marina tokoa, Jesosy Kristy Tompo. Noho izany dia titra ireo fa tsy . . . Eo ianareo izao.

Ankehitriny, dia maniry aho ny hanana lavalava kokoa, hidirana ao amin'izany, saingy efa tara izao. Afaka miondrika ve isika, hivavaka vetivety fotsiny?

<sup>185</sup> Rainay izay any An-danitra, Ianao no mahafantatra fa tsy miezaka ny manandrana milaza zavatra izahay eto hampisavorovoro olona iray. Andriamanitra Ray, miezaka izahay ny hanala ny fisavorovoroana ao amin'ny sain'izy ireo. Ary tsy isalasalana fa hisy rahalahy maha-te-ho tia, mahafinaritra, Kristiana, mpitoriteny, mpino Triniterana izay handre an'ity. Mety mandefa azy ho an'ny pasiterany ireo anabavinay. Ary mivavaka aho, Ray, mba—mba tsy Hamelànao an'ireo rahalahiko hihevitra fa miezaka mihetsika toy ny mahay ny zavatra rehetra aho na tahaka an'izany. Fa,

Tompo, mankasitraka aho fa—fa Ianao no manome anay ny fanambaran'ny Teny.

<sup>186</sup> Ary niezaka aho mba ho toy ny—ny rahalahy Kristiana teo amin'izy ireo, tsy nilaza an'izany teo anivon'ny olona mihitsy; mandroso fotsiny, satria, Tompo, mino aho fa Zanakao izy ireo. Fa izy ireo—izy ireo dia mahita an'ireto toy ny hoe fifanoherana ao amin'ny Baiboly, ary nanao olana lehibe iray avy tamin'izany izy ireo. Ny Assemblées dia tsy hety hikambana amin'ny an'ny Tokana; ny an'ny Tokana dia nantsoina...izay fantatray ankehitriny, ary ato amin'ity favoriana ity, eo am-piombonana miaraka amin'ny sasany amin'ireo rahalahy ireo. Ary manao an'izany izahay ao amin'ny favoriana rehetra.

<sup>187</sup> Fa, Tompo, fantatray fa Zanakao izy rehetra ireo, saingy nanao olana lehibe izy ireo ka nisaraka sy niendaka. Ny Assemblées dia tsy hisy idirany amin'izy ireo, ary izy ireo dia tsy hisy idirany amin'ny Assemblées, ary ny Fianganon'Andriamanitra, sy ny sisa. Ary ny tsirairay avy, eo am-panaovana an'izany, Ray, dia fantatro fa manipika sisintany izy ireo ka lasa miavonavona sy voarafitra. Ary inona no Nataonao tamin'ireo rafi-pandaminana ireo? Nametraka azy ireo teo amin'ny talantalana, ary eo am-pahafatesana izy roa ireo, ary maty marina tokoa.

<sup>188</sup> Aoka ny olona mahitsy fo hahita, Tompo. Tsy afaka manokatra ny mason'izy ireo aho. Ianao irery ihany no Anankiray afaka manao an'izany. Manolotra ny Fahamarinanao amin'ny alàlan'ny fanambaran'i Jesosy Kristy aho, izay mamatotra an'ireo teny miaraka, ny Tenin'Andriamanitra, ka manao azy ho ny Teny marina. Mivavaka aho mba tsy hahatonga azy ireo tsy hahazo, fa ho tia Anao sy hanompo Anao amin'ny androm-piainany rehetra, ka handeha ao amin'ny Hazavana. Ekeo izany, Tompo.

<sup>189</sup> Mivavaka aho ho an'ireto vehivavy ireto. Ary mivavaka aho mba ny tsirairay izay mahita an'ity, tsy nanao azy ireo hisavorovoro, fa hanao azy ireo ho noana sy hangetaheta betsaka an'ireo fanambaran'Andriamanitra. Ekeo izany, Ray.

Apetrako Aminao ity ankehitriny, ary Ianao no hanao aminy an'izay mety ho tsara eo an-Tànanao. Amin'ny Anaran'i Jesosy Kristy. Amena.



*NY BATISAN'NY RANO* MAG61-0120  
(The Water Baptism)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Zoma, 20 Janoary, 1961, tao amin'ny Golden Arrow Restaurant ao Beaumont, Texas, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2018 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)